

127
10
125

烈祖成績

三四

137
20
125

東 京 圖 書 館				
二	三	六	三	雜
〇	五	八	三	史
冊	號	架	函	類

和書門

烈祖成績 安積覺編次

卷三

[Faint, illegible text on the right page]

[Faint, illegible text on the left page]

東書
烈祖成績卷之三
起元龜元年
終天正元年

安積覺 編次

元龜元年庚午正月。濱松城修築功竣。隍壁深固。樓堞壯麗。

見者以為關東第一壯觀。神祖移居新城。使世子居岡崎。武

田信玄攻花澤城。小原資良雖拒守竭力。而眾寡不敵。城遂

陷。資良與其子三浦右衛門出走。小笠原與八郎氏儀美作守氏

興子。後稱彈正。德川記。松榮紀事。竝作長忠。今據小笠原家譜訂之。其舊友也。欲往依之。至高

天神城。請原其罪。屬神祖麾下。氏儀以為神祖與氏真構怨。

皆資良父子所為也。殺之必得神祖之歡心。乃誘資良父子

殺之。獻首濱松。神祖惡其舍舊好而濫殺之。苟為迎合之計。

不之賞。時人亦皆惡之。年譜創業記家忠日記德川記松榮紀事今川氏真以其

下離叛。再失駿河城。又往小田原。依北條氏康。營第早

川居之。家忠日記松榮紀事二月。織田信長欲擊朝倉左衛門督義景。

彈正左衛門孝景子乞援兵於神祖。神祖往岐阜。見信長。信長悅而勞

其平定遠參二州。約出援軍。神祖諾而還岡崎。松榮紀事三月五

日。信長將兵發岐阜。七日。神祖將遠參二州之兵一萬餘騎。

發岡崎入京師。織田本信長記。○按神祖移居濱松。見上文。然諸書皆云岡崎。今從之。信長先

神祖而抵江州。淺井下野守久政。備前守亮政子。初稱新三郎。其子備前

守長政。信長之妹夫也。素與信長輯睦。故兵不血刃。直入越

前。四月二十日。神祖過熊川。至若狹。二十五日。會信長于敦

賀。信長以柴田勝家。木下秀吉。池田勝三郎。信輝為將。信輝初名

恒興。信長公乳母子。為家老。後事秀吉公。剃髮號勝入。與神祖合兵。攻手筒山城。拔之。

斬首一千三百七十餘級。二十六日。攻朝倉中務大輔定景

所據金崎城。定景欲陷信長於死地。與淺井長政夾擊。殲之。

使僧佯乞降。曰。請為鄉導。信長信之。報曰。中務來降。則吾取

越前甚易耳。乃使丹羽五郎左衛門長秀。修理亮長政孫。將監長忠子。明

智十兵衛光秀將兵。光秀後改稱。惟任日向守。入若狹。收武藤上野介任

子。時有健步。來自江州。報曰。淺井長政負約。與義景通謀。信

長大駭。以木下秀吉為殿。備定景之兵。夜引兵而至佐枿城。

經朽木谷。還京師。二十八日。秀吉來神祖之陣。告之。神祖與

秀吉引兵還。創業記信長譜家忠日記松榮紀事○淺井軍記曰信長進退無路將自殺神祖諫曰全命以俟後舉良將之道也吾自若狹路出西近江以觀形勢敵兵遮道則速報之然後決死生未晚也信長從之與此異附以備考諸將亦聞信長退兵爭先而歸義景之兵及越前若狹土寇蝟集邀路神祖親放鳥銃捍之內藤正成連射斃六騎渡邊守綱還鬪攘之敵兵潰走逐北斬首幾三百級敵兵尾擊信長之陣死者千餘人遂圍秀吉其勢甚危神祖至金山顧之曰秀吉若死于此則我有何顏再見信長回轡令步卒放鳥銃厲兵先衆而進我軍悉還血戰數合敵兵大敗秀吉脫圍全軍而還神祖引兵至黑濱毛屋七左衛門將兵邀之神祖又進兵奮擊破之賊悉逃走于須加濱神祖整隊伍徐登

海石榴嶺休兵時秀吉來謁神祖曰今日之殿其功全在公之援助深謝之去神祖見諸軍擾亂慮與信長之兵錯雜則退軍必難別求鄉導經木野其夜宿松原二十九日經久久子氣山至若州西津及小濱從卒和田加兵衛若州之人也故為先導宿向島連興寺住持僧德元曰聞朽木信濃守黨于朝倉六角塞朽木谷土寇多羅尾四郎大夫日詰淨泉等邀今津恐前路艱難故使德元為先導經根來谷及針畠出城州鞍馬至京師賜黃金若干德元以還之諸書皆曰神祖亦退至朽木谷聞長秀光秀歸路甚危分兵救之兩將全軍而還長政之兵充塞今津船木頻放鳥銃神祖不亂隊伍整兵而還秀吉深德之按神祖實戰于金山中海石榴嶺此地無出今津船木路又既入朽木谷何得過今津船木其誤明矣今從一本德

川記抄信長懇謝神祖出軍之勞。且救其危。進入京師。謁將軍

源義昭。五月。信長置兵江州諸城。戍之。告義昭歸岐阜。十八

日。神祖還岡崎。信長欲擊淺井久政父子。乞援兵於神祖。年譜

創業記信長譜家忠日記松榮紀事。又命木下秀吉使竹中半兵衛誘降長亭

軒城主堀二郎之宰樋口三郎兵衛兼益。名據淺井軍記多良右近。

以通江北之路。○按淺井軍記長亭軒城在今洲口。堀二郎長政部將遠江守之子。時八歲。故其宰用事。

半兵衛為濃州菩提寨主。與長亭軒疆場相接。秀吉將兵助守長亭軒城。義景宗臣

朝倉式部大輔景鏡。孫八郎景高子。義景從父弟。將兵三千援長政。據長

久刈安二城。聞兼益降于信長。六月八日夜棄城走越前。江

北路開。○家忠日記曰。六月十九日。信長攻長久刈安二城。拔之。非也。今據淺井軍記。十八日。信長

帥大軍入江北。○年譜附尾曰。信長兵三萬五千。創業記一萬餘。淺井軍記數萬騎。家忠日記不舉其數。

但云大軍。今從之。屯小田村。淺井長政之部將大野木土佐秀俊。三

田村左衛門國定。野村肥後直元。野村兵庫直次等守橫山

城。秀俊以下四人。名據淺井軍記。十九日。信長巡視橫山城。使水野信元。織

田信包。丹羽長秀。及堀二郎之兵備之。移陣今莊上野。分遣

其兵於長政管内。悉燒邑里。先是久政父子乞援于朝倉義

景。援兵未來。故不挑戰。信長分八千餘兵。屯雲雀山。餘兵屯

小谷東西。移陣于虎越山。○諸書作虎御前山。今訂之。然城兵未出。故舉

軍逼小谷城下。縱火馬上小室瓜生。而屯矢島野。長政欲期

信長還兵以擊之。久政以援兵未到不許。長政固請。久政怒。

故長政不能出兵。二十二日。信長退陣于龍鼻。欲使將佐攻
 橫山城。以挫長政之銳氣。城兵告急。小谷義景援軍逗撓未
 到。長政與諸將議待義景到而戰。則必有利。然橫山城陷。則
 士氣沮喪。不可不救。二十五日。長政率八千餘兵。陣于大寄
 山。二十六日。朝倉義景使叔父朝倉孫三郎景延彈正左衛
門貞景第
 子。將兵一萬五千援之。與長政同陣於大寄山。是日神祖帥
 五千餘騎發岡崎。二十七日至江北。信長大悅。神祖與信長
 議欲速攻城。城兵頻告急。長政議曰。敵陣猶遠。急進兵疲。須
 今夜進陣於野村三田村。而明朝決戰也。淺井半助曰。信長
 能察軍機。未易移陣。遠藤喜右衛門直繼喜右衛門名。曰不
據淺井軍記。

然。兵貴疾速。宜急進。我伺間刺信長。則可以得志。長政從之。
 夜列炬火為軍裝。一本德川記抄。淺井軍記。信長遙望之。召柴田勝家。佐

久間信盛。木下秀吉等。令曰。敵欲明日來攻。須定軍伍。家康
 為方面之將。淺井朝倉兩敵。可使擇其一以當之。使毛利新
 介謂神祖曰。明日之戰。吾擊越前之兵。卿擊近江之軍。然參
 河兵不多。須以吾兵益之。神祖曰。吾為援軍來此。不避水火。
 唯命是從。然在後軍。甚非所望。請為前軍。儻欲益兵。須以稻

葉伊豫守為援。伊豫守義通薙髮號一鐵。

備中守通則子。姓
河野。中世分稱稻

葉氏。注于永祿三年。○義
通或作通朝。未知孰是。

雅有勇名。信長謂一鐵曰。家康能

知子有將略。子之榮也。命為援軍。神祖以酒井忠次。水野忠

重為前鋒。松平甚太郎家忠。即東條龜千代、襲稱甚太郎。酒井忠次。小笠

原氏儀。大須賀康高等二千餘騎。為一軍繼之。神祖在中軍。

以神原康政本多廣孝為左右翼。稻葉一鐵為後拒。都六千

餘騎。信長分軍為十三隊。以阪井右近政尚為前鋒。池田信

輝木下秀吉繼之。丹羽長秀備橫山城。二十八日黎明。信長

遣候騎偵之。長政兵可八千。陣于東。景延兵可一萬五千。陣

于西。織田本信長記曰。長政兵可五千。景延可八千。今從淺井軍記。松榮紀事。信長馳使

謂神祖曰。昨夜既定軍議。然吾所深憾者。淺井父子也。吾親

擊之以洩餘憤。請卿擊朝倉之兵。神祖不少沮。諾之。酒井忠

次進曰。我軍既向長政陣。今易之。則隊伍必亂。神祖曰。不然。

朝倉兵多。淺井兵少。以少易多。武夫所欲也。急整軍列向西。

酒井忠次。水野忠重。松平甚太郎家忠。松平伊忠。松井忠次。

小笠原氏儀。及東參河之兵。列隊而進。景延長政隔妍川而

陣于野村三田村。前鋒既交。景延兵可百騎。離隊而出。將橫

斷我軍。本多忠勝見其幾。請先擊之。神祖然之。忠勝急馳電

擊。大久保忠鄰。安藤彦四郎直次。木工助基能子。更相繼而

進。力戰破之。敵退走。朝倉景延麾眾來前。其鋒甚銳。我兵微

退至妍川中央。石川數正還戰。犬塚甚三郎擊得敵槍。相爭

數次。遂奪槍殺之。○松榮紀事曰。神祖褒其功。更稱又。內藤

甚一郎正貞。四郎左衛門正成子。遺落已槍於敵陣。回馬取槍而歸。眾

乘其勢。鼓譟而進。本多忠勝挺衆而戰。松井忠次爲敵所射。

矢貫左手徹鞍。忠次拔其矢射敵殪之。松平甚太郎家忠年

甫十六。犯陣力戰。敵之魁帥魚住龍門寺等八千餘騎。幾逼

麾下。近臣大久保新八郎康忠。五郎右衛門忠勝子。後襲稱五郎右衛門。小栗莊

二郎忠政。後更稱又二。時十六歲。鷹見新八郎。十六歲。大久保忠豐。其弟

與一郎忠益。更稱助。左衛門。服部一郎右衛門保英。十六歲。接戰獲首

級。芝山彦十郎。小川三十郎戰死。大久保權十郎忠直。十八歲。

致大久保系圖。忠俊第五子。甚左衛門名忠。奪敵槍刺甲士。真然不見其初稱權十郎。後更荒之助。未詳。

一人獲其首。本多正信與敵鬪幾危。按正信黨一向一揆。亡去。在上文七年。其後

被赦召還。年。月無所考。秋元甚兵衛吉久射敵救之。大久保忠佐馳突

勵戰。其姪忠鄰。安藤直次皆獲首級。敵猶競進。勝敗未決。神

祖杖槍指揮。戰血濺槍柄。使榊原康政。本多廣孝橫衝敵陣。

康政顧左右。前有水田。底皆砂石。水不甚深。馳馬直前。廣孝

爭先而進。康政奮戰被創。廣孝子康重新斬敵獲首級。亦被創。

渡邊守綱。本多正重。水野太郎作等揮槍突戰。阿部忠政連

射。越前兵雖多。我兵前後夾擊。敵不能支。遂潰走。乘勝追擊。

至虎越山。勇士一言集曰。小笠原與八郎之兵渡邊金大。夫以塗朱雨傘爲背旗。與孫三郎之兵接槍堤上。

信長公望見。召金大夫大稱賞之。其餘中山是非之助。林平。六等五人皆先。金大夫接槍。然在堤下。信長公所不見。故金

大夫爲最。由地勢。高卑遂致如此。敵將真柄十郎左衛門膂力邁人。揮五尺

大刀。率其二子來戰。向阪式部揮槍接之。十郎左衛門擊碎

其首鎧斃之。弟五郎二郎奮鬪。十郎左衛門腰斬之。式部族

六郎五郎吉政急進。以槍搥十郎左衛門殺之。獲其首。青木

所左衛門一重。加賀右衛門重直子後任民部少輔事秀吉公為大阪七隊之一長詳于慶長十九年

斬其長子十郎。弟亦見殺。高力清長斬敵將前場新九郎。前

場或作其餘敵將前場新八郎。新九郎兄小林瑞周軒。魚住龍門

寺。黑阪備中等皆授首。戰方酣。敵兵二人狙擊神祖。神祖扣

刀。加藤喜左衛門。天野康景擊殺二人。血濺神祖之刀。是日

鏖戰。松平信一。忠正。真乘。內藤信成。正成。菅沼定政。大久保

三郎右衛門忠正。彌三郎忠正更稱三郎右衛門族屬見永祿七年加藤正次。都筑

總左衛門秀綱。天野彦右衛門忠次。成瀨正義。其弟一齋。神

原忠政。橫地造酒佐正家。森川氏俊。青山虎之助長利。○按永祿

七年虎之助死于一向一揆之亂蓋其子也野野山元政。山本忠兵衛正義。杉浦

彌一郎親次。阪部又十郎正家。丹羽四郎左衛門。松下宗左

衛門。大河內善兵衛。飯島才藏。及本多忠勝之兵三浦竹藏。

櫻井莊之助勝次。原田彌之助。木村三七。渡邊半兵衛。菅沼

定盈之臣。今泉延傳等。○按松榮紀事曰定盈罹疾不能力軍故以延傳為使屬酒井忠次

戰皆獲首級。大田吉勝五與敵鬪。獲首五。渥美友勝。○松榮紀事作

友元下文三年作友吉而天文十八年與秉麾敵搏獲其首永祿六年並作友勝今據之定為友勝

小笠原康元。○松榮紀事作新喜三郎貞慶信濃守長時弟九郎長元今訂之

大左衛門重廣。彦七郎貞賴將兵三千。與敵戰有功。信長前

鋒阪井政尚兵二千餘騎陣于妍川上長政勇將磯野丹波

秀昌。○据淺井軍記磯野丹波初稱宮澤平八忠左衛門某子父子以勇著磯野伊豫守員吉養為子故冒磯野氏

但軍記名員正今從信長譜率高宮參河大宇大和山崎源八郎赤田信

濃等兵八千餘騎渡水而進其勢甚猛政尚戰敗政尚及長

子久藏時十六歲其族死者百餘人池田信輝繼之戰被創而退

木下秀吉又繼之長政乘勝急擊秀吉亦敗走信長十三隊

長政破其十一進逼麾下神祖見其危馬上揮槍勵眾以救

之士氣益振大久保忠世本多忠勝酒井忠次小笠原氏儀

等爭先力戰擊長政陣大敗之後拒稻葉一鐵橫擊之長政

之兵戰疲矢竭見越前兵敗皆潰走敵兵遠藤直繼狙擊信

長竹中久作覺之擊直繼殺之。三河物語一本德川記抄家忠日記淺井軍記松榮紀事

信長陣于龍鼻召俘囚安養寺三郎左衛門經世河内勝光子問

曰我軍始雖失利終能大捷乘其聲勢直攻小谷城如何經

世恐其見破詭對曰長政雖悉眾而出父下野守其兵不下

三千今欲以疲兵攻新兵未見其可也信長然之木下秀吉

急馳馬來言信長曰請臣指揮諸將乘勝攻小谷城則立可

拔之信長笑曰秀吉膽大故態又發秀吉固請曰今不取之

後必悔之信長終不許秀吉不喜而去信長釋經世歸小谷

城中所有老羸不過二百餘兵信長攻之則不能守久政父

子得保小谷三年而後亡經世之力也。信長譜曰諸將乘勝逐北進至小谷側近

信長慮其陷于險地。馳使戒之。諸將引兵歸。按信長公不攻小谷者。用安養寺經世之詭辭也。今從淺井軍記。一本德川

記抄。○按淺井氏滅。經世事。京極高次。剃髮號聞齋。凡斬首三千百七十級。神祖之功

居其半。諸書皆云。三千餘級。淺井軍記千七百級。今從織田

據之。○信長譜曰。送首級三千餘是日信長甚窘。微神祖幾

殆不免焉。淺井軍記信長大賞神祖之功。贈奇琛重器及長光刀。

副以書曰。今日大功。不可勝言。前代無比倫。後世誰爭雄。可

謂當家網紀。武門棟梁也。神祖凱旋參河。年譜。創業記。家忠

創業記。松榮紀事。曰。信長所贈長光刀。舊三好下野守政康

入道釣竿所佩名刀。而將軍源義輝得之。信長又得之。贈神

祖。長篠之役。神祖褒與平初神祖赴江州。參河之兵有後至

信昌之功。賜之。附以備攻。者。美濃近江間。賊起邀路。天野孫七郎重信力戰死之。由是

賊退。兵得過。重信父孫七郎賢景。孫四郎病不能從軍。及神

祖凱旋。出而迎駕。神祖稱重信之功。褒之。使重信子久右衛

門正定仕世子。松榮紀事。諸士傳略。正定子又賞大久保忠

直。姊川之戰功。賜描金團扇。更稱荒之助。忠直以團扇為背

旗。松榮紀事七月。信長入京師。謁源義昭。歸岐阜。信長譜。松八月。

參河遠江大風雨。民屋多壞。家忠日記。松榮紀事二十八日。世子竹千

代加首服。稱岡崎二郎三郎。織田信長授諱字名信康。時年

十二。神祖在濱松城。召觀世宗雪及其子左近作申樂。使宗

族將士及參河遠江百姓縱觀之。創業記。德川記。家忠日九

月。朝倉義景。淺井長政。帥兵三萬餘。屯江州阪本。佐佐木承

禎黨之。出屯野洲郡。延曆寺僧徒亦黨之。織田信長將森三

左衛門可成越後守可秀子出宇佐山城。與義景長政戰敗死。義景

長政舉烽醍醐山科陣于比叡山。時信長攻野田福島城。與

將軍義昭在攝州。聞變歸京師。使諸將攻比叡山。信長譜家忠日記松

榮紀事淺井軍記信長又乞援兵於濱松。神祖使酒井忠次。石川家

成。松平伊忠本多廣孝。松井忠次將精兵二千餘騎趣江州。

日與承禎戰。十一月。承禎兵敗降信長。義景長政師老勢屈。

就義昭求與信長和親。信長不得已許之。義景長政各歸其

城。信長賞參河將士之勇敢。篤謝神祖。引兵歸岐阜。諸將亦

還濱松。年譜創業記信長譜家忠日記松榮紀事先是北條左京大夫氏康卒。其

子左京大夫氏政與武田信玄講和。十二月。信玄使氏政殺

今川氏真於早川。氏真聞之。走舸來遠州。求依神祖。神祖閱

其流落。使居濱松邊邑。善遇之。駿河遠江士庶服其寬厚。愈

歸心焉。家忠日記松榮紀事氏真素與上杉謙信通使締交。謙信長尾信濃守為

景子初名景虎。上杉憲政子。養之。授管領職。故勸神祖通好

謙信。神祖從之。遣使越後。謙信喜。答以書。又致書於石川家

成。榊原康政。植村家政等。以約患難相救。松榮紀事○按年譜附尾古簡雜纂

載謙信遺家成及松平真乘書皆通和好書也是月。秋山晴近出軍東美濃上村。足

助城主鈴木越後守重直及山家三方將。與之戰。兵敗。甲陽軍鑑

松榮紀事

二年辛未正月五日神祖叙從五位上十一日為侍從年譜創業

記公卿補任家忠日記松榮紀事二月武田信玄帥師至駿州田中城按行

遠州小山築能滿寺城三月信玄攻高天神城城主小笠原

氏儀力戰拒之其族貞賴重廣入援信玄知其難拔引兵而

去按行乾懸川久野諸城屯信州伊奈家忠日記甲陽軍鑑松榮紀事是春

秋山晴近略東叡河誘段嶺城主菅沼刑部之臣城所道壽

作手城主奧平貞能之臣山崎善七郎使刑部貞能屬信玄

晴近陣于設樂郡菅沼定盈設樂貞通西鄉清員等攻之晴

近引去天野景貫出兵攻長篠城城兵拒之景貫子小四郎

景厚松榮紀事○按天野系圖景貫子唯先衆渡水而進與有與次兵衛景康一人未知何據

城兵接槍士卒互多死傷菅沼道滿戰死晴近圍長篠城道

壽又勸長篠城主菅沼正員之臣菅沼伊豆滿直說正員降

于信玄晴近遣道壽於野田說菅沼定盈屬信玄定盈却之

刑部族信濃守屬神祖伊賀守三照及新九郎降于信玄小

大膳定利出段嶺流寓○按松榮紀事天正十二年定利作正家關原合戰誌作定利與菅沼系

圖合蓋後改名也又按松榮紀事無新九郎今據本書天正元年文補之竟依定盈仕麾下足助

邑民與敵通謀將攻岡崎神祖遣青山喜大夫忠門青山三郎定俊

之裔父名關○松榮紀事作義門今據寬永系圖諸士傳略訂之阿知和右衛門率部下兵

屯百百村扼岡崎道路樹柵置斥候多設屯火守衛嚴備賊

不能發而逃散四月遠州賊起將自作手口入岡崎七日夜

侵掠巖津。縱火燒邑里。神祖使青山忠門。其弟牛大夫卯野。小兵衛阿知和右衛門等趣巖津。與戰敗之。賊遁于真福寺。

逐北擊之。忠門戰死。賊又逃至東參河吉田口潰散。松榮紀事諸士

傳略。是月。信玄出伊奈。攻足助城。守將鈴木喜三郎棄城走。家忠

日記。甲陽軍鑑。五月。信玄進至吉田二連木。神祖將兵拒之。互有勝負。松榮紀事曰。戰於一宮。今從甲陽軍鑑。

馬前敵斫其腕斷之。松榮紀事既而信玄引兵歸甲府。甲陽軍鑑七月。

濱名鄉主叛降信玄。棄濱名而去。神祖分給濱名鄉於戶田

忠次。本多信俊。家忠日記。松榮紀事。○按永祿十二年。濱名城降。使本多忠勝。酒井忠次守之。二書不載。

主名。未知為誰。蓋濱名肥前守賴廣之黨也。是月。織田信長遣使濱松。謂神祖曰。

未晚也。使者出。神祖笑謂近臣曰。信長何所見而所言如此乎。吾若去濱松。則當蹋折刀劍而不可復用。信玄武力。豈足

畏乎。甲陽軍鑑。松榮紀事。

三年壬申。初武田信玄與神祖約。以大井川為界。遠州屬神

祖。駿州屬信玄。閏正月十三日。神祖帥兵至大井川。按行疆

域。酒井忠次小笠原氏儀渡伊呂瀨陣于島田川上。十九日。

神祖歸濱松。信玄遣使誣曰。曷以天龍川為界。分領東西。今

出兵於大井川。何侵我疆場之為。信玄欲生事以為兵端。神

祖怒其詐謀。益與之絕。家忠日記。松榮紀事。年譜附尾。

十月。信玄將騎兵三

十三

十三

十三

萬五千趣遠州。使山縣昌景率五千騎。出東參河。會于遠州。以天野景貫為鄉導。攻多多羅飯田二城。陷之。進攻久野。久野宗能堅守。甲軍陣于袋井。見付聞之。使大久保忠世本多忠勝。內藤信成等。將兵四千赴之。內藤信成家忠日記作內藤四郎左衛門正成。今從年譜。甲陽軍鑑一本德川記抄。三將過見付驛。陣于三加野木原西島邊。覘敵形勢。信玄望之。指麾其兵。進自袋井林下。其勢難敵。內藤信成謂濟輩曰。敵大兵也。濱松八千之兵半在此。我兵甚寡。今日之戰。不可得志。若交鋒失利。則難再戰。鄉乞援兵於信長。待之而戰。可也。不如退軍。然其相去甚近。我退則敵必乘之。言未畢。甲軍欲分兵斷我後。勢甚危。本多忠勝進

曰。我試為之謀。乃使從兵大兼彥市。諸書作彥八郎。今從本多家譜。帥步卒

數十。至見付驛。取民屋所有薪芻。戶扉茅席之類。積一言阪路頭。如丘陵。翳鳥銃于竹林。待甲軍到。縱火放鳥銃。忠勝單騎提槍。指麾士卒。馳馬七八次。勢甚猛厲。敵不敢近。烈敵邀敵兵來路。乘其煙塵。退兵三町餘。敵急起追之。大久保忠世其弟忠佐。其族忠正。忠直。本多正重。都筑藤一郎。及忠勝之兵櫻井勝次。三浦竹藏。大原作野。右衛門。大原物右衛門。柴田五郎右衛門。村越與三左衛門等。力戰拒之。敵鋒稍挫。忠

勝全軍而還。諸書皆曰。神祖率兵三千餘騎。向一言阪拒之。忠勝縱火于見付驛舍。甲軍猶豫。移時。忠勝信

成以軍之利害。白神祖。神祖然之。使忠勝退軍。忠勝指麾士卒。退軍。敵急追之。其部兵拒之。全師而還。松榮紀事曰。令信

成偵敵形勢神祖慮信成若遇大兵被圍則不能脫去使忠

勝率精騎救之至一言阪敵急逼之忠勝及從騎大久保忠

佐其族勘七郎忠正荒之助忠直都筑藤一郎渡邊平六真

網其族半藏守綱半十郎政綱等揮槍力戰我兵入見付驛

敵即圍之忠勝縱火驛舍乘煙塵退兵按一說忠勝所為為

神祖退軍時一說為信成一人退時而縱火見付驛舍者二

說略同皆失事實今從本神祖陣於真古目○或作馬籠遣

多家譜一本德川記抄藤左衛門正賴弟褒忠勝曰汝今日進

成瀨吉右衛門正一藤左衛門正賴弟褒忠勝曰汝今日進

退中節非汝驍勇則我兵幾不免可謂我家良將也甲州將

士亦稱忠勝之勇略年譜創業記家忠日記甲陽軍鑑松榮

真古目而云神祖在濱松信玄自見付移軍江臺島使其子

四郎勝賴姪左馬助信豐信玄弟左馬助信繁子及穴山梅雪武田信

藝守信友子名信君歷左衛門尉陸攻二股城馬場美濃氏

奧守判髮號梅雪不白信玄女婿

勝松榮紀事作信房今從率小田原援兵及信玄麾下兵合

四千餘騎以備濱松援軍二股守將中根平左衛門正照松

平善兵衛康安善兵衛正親子青木又四郎吉繼等堅守拒

戰神祖將兵救之渡天龍川而陣甲軍部伍嚴整不可輕戰

故收兵而還信豐梅雪相與謀曰城守完固急攻則損吾士

卒此城東帶小流西臨天龍以轆轤取河水今絕其汲道則

可不血刃而拔乃結筏繫縛材木從上流放之壅遏水路甲

軍鑑松入夜敵兵數百近城列鳥銃松平康安蔽巨石規之

少焉敵連放鳥銃城兵皆駭獨康安不去大草松城兵乏水

大困正照乞降歸濱松松榮紀事○本書載一說曰神祖聞

致城而去。故勝賴既得二股城。使依田下野據之。東參河諸

將畏其兵威。先是山家三方將既降信玄。松榮紀事。○本書

篠段嶺管沼氏皆叛降信玄。按二年春。與平貞能管沼唯管

沼忠久。管沼定盈。守野田城。不渝其志。山縣昌景。秋山晴近。

自信州趣參州。陣于遠州井平。宇津山砦最為要地。甲軍連

營。以絕濱松之援兵。神祖欲擇勇將守之。諸將無敢應者。松

平清善致仕在家。獨奮請往守之。神祖感其忠勇。賜一千貫

采地。家忠日記。松榮紀事。濱松諸將勸神祖借援兵於織田信長。神祖

不欲之。諸將諫曰。信長領數州地。有兵數萬。而累乞援軍於

我。主公僅領參遠二州。三四年來。雖與信玄爭戰。未嘗乞援

於信長。今借之有何不可。神祖從之。遣使岐阜告之。三方原合戰記

信長使佐久間信盛。瀧川一益。平手甚左衛門汎秀等來援。

織田本信長記。家忠日記。松榮紀事。○按德川歷代年譜附

尾甚左衛門作監物。據信長記。監物甚左衛門兄也。今從上

三書。○一本德川記抄曰。尾州援兵佐久間右衛門尉平手

甚左衛門二千餘兵。進自荒井。先到戰場。龍川左近將監武

藤彌平兵衛氏家左京亮稻葉伊豫守。伊賀伊賀守四千餘

兵。經本阪未到。聞我兵戰敗而歸。據之。則援軍異路而至。前

後纔差一二日。不得有三將牽輓之諫。十一月三字。或廿一

日訛。亦未可知。然諸書之說。皆如是。未知孰是。附以備考。

十一月。援軍至濱松。信長使謂神祖曰。縱信玄欲戰。慎勿出

兵。由是兩軍相持。踰月不戰。信玄既陷遠州數城。威震遠近。

關西將士多歸心者。故信玄欲自遠州出參州。歷濃州。耀兵

京畿。十二月。信玄率兵四萬餘騎。據年譜。家忠日記。移陣三方原。○

方原或作味方原梅花無盡藏作箕形原聞之遠州人駿遠參三州芻牧之地故云三方原今從之縱火濱松

城外邑里欲自井伊谷出長篠而過大田邑神祖聞之怒曰

信玄引兵過我城外是蔑我也可出擊之尾州三將○據一本德川

記抄則瀧川一益未到當書二將然一牽腹諫曰信長固戒本德川記抄無諫神祖事今從上諸書

臣等信玄老將也且將大軍公欲戰必當止之請為信長抑

怒神祖曰往年信玄耀兵薄小田原城門而北條氏政不敢

出戰舉世笑其孱弱今敵蹈躅我郊野而不放一矢非丈夫

也卿等強諫則吾抖擻山林而付軍事於信康辭氣激烈然

三將固諫不止神祖不得已悒鬱彌日二十二日信玄引兵

將入井伊谷勝賴及馬場氏勝山縣昌景為殿神祖及尾州

援兵亦出而陣于三方原氏勝昌景謂信玄曰濱松之兵躡

我競出是墮我計中也可速反旆而戰小山田左兵衛信茂

之兵上原能登告信茂曰○三方原合戰記信茂作高重今從甲陽軍鑑濱松之兵

布陣甚薄尾州援兵旌旗動搖有敗走之色戰必勝信茂馳

告信玄信玄使室賀一葉軒往偵之○諸書室賀作諸賀按年譜附尾長篠之戰有

室賀山城守行俊入道一葉軒松榮紀事亦作室賀入道諸室國音相近蓋一人也亦如能登之言信

玄回軍信茂為前鋒我兵八千餘騎分為九隊酒井忠次石

川數正柴田康忠青木吉繼中根正照進為前隊小笠原氏

儀松平甚太郎家忠松井忠次本多忠勝繼之榊原康政為

麾下前鋒尾州援軍將瀧川一益與柴田康忠大久保忠世

合隊。信盛汎秀相並而陣。鳥居四郎左衛門為軍監。日加晡。四郎左衛門白神祖曰。敵鋒精彊。布陣甚堅。戰必不利。請戢兵。神祖怒不聽。渡邊守綱謂康忠忠世曰。敵衆我寡。宜據險以待。神祖聞之曰。譬有人入我閨中蹴枕。誰敢卧而不較之哉。勝敗在天。須決一戰。諸將皆決死而不敢復言。大久保忠佐。柴田康忠帥步卒。進于石川。數正陣前放鳥銃。信玄使步卒二三百登丘阜。摘礮擲尾州之援軍。中如雨。以挑其怒。平手汎秀果怒曰。是我為嬰兒也。急起而進。甲軍圍擊之。汎秀敗走。數正之兵發聲而進。其部兵外山小作正重揮槍第一。與小山田信茂之兵戰。渡邊守綱從旁出。以長槍刺敵殺

之。戰急不遑斬馘。信茂敗走。逐北斬首二百級。馬場氏勝代。信茂而進。忠世忠勝康政進鬪。忠勝之兵荒川甚太郎。本多甚六。河合又五郎。多門越中戰死。櫻井勝次斬敵獲首級。氏勝之兵亦敗走。神祖以麾下之兵擊山縣昌景。昌景敗走數百步。酒井忠次。大須賀康高。小笠原氏儀。與山家三方之兵戰。大敗之。敵兵七隊將悉敗。我兵乘勝追擊。武田勝賴以奇兵橫擊麾下之兵。昌景亦還鬪。信玄使米倉丹後棄輜重。橫擊我軍。武田信豐。穴山梅雪。相繼邀我軍後。急攻之。信玄鳴鼓徐進。其勢如山嶽。我軍悉敗績。松平甚太郎家忠獨留拒戰。從兵戰死數十人。數正嗔目厲士卒。下馬橫槍待敵。至甲

軍乘勢競進。相去數步。數正之兵齊起奮擊。敵又敗走。神祖見戰危切。齒厲衆口。正沫出。還擊三四。我軍戰疲。加藤比彌之丞及弟源四郎九郎二郎正信。大久保新藏。平右衛門正員第四子。忠世河合八度兵衛。○松榮紀事作彌藤兵衛。按河合八兵衛弟。某接敵一日八度。神祖賞其勇。更名八度兵衛。戰死于三方原。子孫事水戶威公。八度訛作彌藤。故今訂之。杉原須藤兵衛。米津小大夫。政信。榊原攝津守忠直。石川半三郎正俊。松山久内。松平彌右衛門。江原又助。中根彦三。川澄源五郎。天野麥右衛門等。三百餘人戰死。戰死三百餘人。據家忠日記。年譜附尾。中根正照。青木吉繼。恥二股城失守。與親族僮僕悉冒陣而死。鳥居四郎左衛門與成瀨正義。賈勇忿爭。戰酣。各獲首級。互相徵苦戰而死。正

義謂弟正一曰。汝能諳地形。可速奉我君入濱松。我死于此。言畢赴敵而死。高力清長與其子權左衛門正長。後為土力佐守。戰被創。其族巖堀勘解由左衛門父子戰死。佐久間信盛不戰而走。平手汎秀直犯敵陣而死。汎秀父政秀。天文中諫織田信長而自殺。人皆稱其不墜家聲也。年譜。創業記。甲陽軍鑑。家忠日記。松榮紀事。政秀初名清秀。故諸書多書清秀。按南行雜錄。尾州愛智郡政秀寺。信長公朔建以薦其冥福。今據之。○一本德川記抄曰。山口飛驒。長谷川橋助。佐脇藤八等。尾州援兵戰死百十餘人。瀧川左近。武藤彌平兵衛等。進自本阪。未到戰場。聞我軍敗而還。見上。神祖知其不利。引兵而還。本多忠真為後文注。附以備考。拒敵急追擊。忠真力戰死之。内藤信成為殿。部兵數十人戰死。甲軍蝟集逼我。神祖決意必死。將進鬪。大久保忠鄰。菅沼

定政。松平景忠。三宅彌次兵衛正貞。總右衛門 康貞弟小栗忠藏久

次。後更稱忠 左衛門內藤正成。鶴殿八郎三郎。平巖虎之助。渡邊守

綱。服部正總等。或騎或步而擁護之。夏目吉信扣神祖之馬

諫曰。勝敗兵家之常。此非大將墮命之時。宜速歸城以圖後

舉。策馬使走。夏目系圖諸士傳略雜錄畔柳助九郎 畔柳助 事記並曰吉信以槍繳突馬駿足善走

九郎武重不離神祖左右。吉信謂之曰。我留而戰死。子善護

我君入城。武重請同一死。吉信固強之。武重扈從而去。吉信

揮槍殺敵二人。與從士二十餘人皆戰死。初淨土真宗之亂。

松平伊忠請吉信之命。神祖釋之。至是吉信感恩死節。人皆

服神祖之寬仁。而稱伊忠之能知人也。家忠日記 德川大久 記 松榮紀事

保忠鄰馬斃窘步。小栗久次傷股。獲敵馬而乘之。神祖命久

次借馬以救忠鄰。久次授馬忠鄰。徒步而從。水野左近正重

為後騎。敵進則正重留拒之。正重危則神祖回轡救之。成瀨

正一。日下部兵右衛門定好。島田次兵衛利政。稍稍來集。敵

七騎急逼。正一擊殺一騎。神祖操兵反擊。敵披靡而去。家忠 日記

松榮紀事 ○成瀨系圖曰 甲軍七騎逼神祖 成瀨正一擊先 進者墮馬 馬亦傷奔 六騎者下馬 扶起被傷者 其間神祖馳 入濱松城 即 此時事也甲軍一人執弓狙神祖。內藤正成誰何之。天野

康景提敵首來見之。馬上蹴落其弓。敵亡去。三方原 合戰記松平康

安時年十八。苦戰被數創。二箭中其臂。自拔一箭。未及拔。一

箭敵急追之。康安窘甚。從者牽馬來。康安喜而乘之。岡崎町

奉行右衛門七。本書失傷膝不能步。呼康安使借馬。康安不

得已。下馬使右衛門七騎而退。大草松甲軍某。稱長諸書直

前逼神祖。神祖叱之。野中三五郎重政擊殺之。松榮紀事野

按長為神祖近習之士。有故去濱松而事信玄。故神祖知而

叱之。紀事家譜竝云。神祖入濱松城。賜盃酒及信國短刀。以

賞重政之功。重政子孫事水戶義公所。濱松城中聞軍敗。沸

騰。高木廣正獲髡首者首。神祖使廣正貫首于刀鋒。而徇曰。

甲軍戰敗。吾獲信玄首。衆傳聞乃定。神祖名大久保忠世。賜

旌旗。建之。犀碓。以集敗兵。敵意大將在此。競赴之。神祖遂得

入濱松城。城門闔。畔柳武重大呼使開之。神祖騎而入。城賞

武重之勞。取腰間扇賜之。松榮紀事助九郎事記竝云。時

遇雨。紙破。唯骨子存。至今傳于家。

下馬杖槍。慨然曰。鄉信玄將入井伊谷。尾而擊之。則豈不取

勝。遺憾可勝言哉。衆服神祖之勇壯。松榮紀事。○本書曰。神

所沮。不能得志。據一本德川記抄。則無佐。都筑秀綱妻。豫煮

久間龍川諫止之事。注于上文。附以備考。粥以餉士卒。神祖悅。賜衣服賞之。既而敵兵麇至。薄城。龍川

一益守鹽谷口。一本德川記抄。一益未到。戶田忠次守山手

口。渡邊守綱與弟半十郎政綱。自大谷口至葦田。將入城。敵

兵充塞前後。渡邊半平真綱。天野又作。佐橋亂之助。○按佐

國音相近。疑一氏也。勝谷甚五兵衛。櫻井勝次。相踵而至。七人健鬪。却

敵。松榮紀事。年譜附尾諸士傳略。神祖使天野康景。植村正勝。警衛城門。鳥

居元忠守玄默口。元忠將闔扉。神祖命使開之。曰。闔則敵以

我為法。易乘其弊。開則使敵不測。且納城兵後至者。馬場氏

勝山縣昌景來攻。元忠開門力戰。傷股猶鬪。松榮紀事。德川歷代。渡邊

守綱却敵兩次。渡邊政綱。櫻井勝次。各獲首級。入夜敵兵引

去。達旦設屯火。以備我軍衝突。神祖召諸將。問守禦術。大久

保忠世進曰。敗兵不振。敵愈侮我。請集諸部鳥銃。以劫敵營。

神祖許之。蒐城中銃手。僅得十六人。松榮紀事曰。一百人或云十六人。家忠日記。東

宮記。德川歷代。三方原合戰。記皆云十六人。今從之。忠世及天野康景。近藤登之助。秀

用。石見守康用子。後襲稱石見守。率銃手。五更趣犀碓。發銃劫穴山梅雪營。

甲軍驚譟。多陷犀碓深谷而死。家忠日記。年譜附尾。德川歷代。○松榮紀事曰。大久保忠

世建。旌旗于犀碓。甲軍攻之。多陷深谷。按信玄行兵。豫審戰地險易。且上原能登自犀碓望濱松陣。詰其地形。此時日未

至。曠不應。甲軍妄陷深谷。五更劫營。騷擾而陷。則或有之。故今從上三書。信玄之營不動。徐曰。雖

勝而可畏。濱松之敵也。創業記。松榮紀事。二十三日。信玄檢所獲首

級於犀碓。凡三百餘級。松榮紀事。或云六百級。○本書曰。濱松壯士。見穴山梅雪陣列。不整出擊

之。信玄愈恐。引去。甲陽軍鑑曰。二十三日。且濱松寡兵出。三方原。梅雪部兵有泉大學。穗阪常陸擊走之。未知孰是。故不

書。甲州將佐請乘勝攻濱松城。高阪彈正虎綱固諫。虎綱諸書。或作

昌信。今從南行雜錄。信玄從之。引兵去。神祖登井樓望之。召富永孫大

夫。問敵去就。對曰。大軍後拒。輜重不多。軍竈無煙。此必引去。

果如其言。松榮紀事。三方原合戰記。二十四日。信玄斂軍至刑部。休士馬。

將迎新歲。馬場氏勝謂信玄曰。前日之戰。參河之兵。至於奴

隸。無不格鬪。觀其屍。向我陣而斃者俯。背濱松而倒者仰。此

皆戰死之屍而非逃走者。累稱之。甲陽軍鑑、松榮紀事石川家成在懸

川城。聞濱松兵敗。帥兵而至。神祖大悅。是役也。我兵悉苦戰。

知名之士。死傷頗多。石川小大夫。野野山元政。安藤木工之

助基能。太郎左衛門。家重長子。小笠原新九郎安廣。丹波守安次長子。世襲稱新九郎。

山田甚五郎重吉。山田角之允。服部源兵衛保正。原田藤左

衛門種友。近藤宮内吉成。長谷川藤九郎正長。小川傳九郎。

宇野三十郎政秋。齋藤宗林。志村彌左衛門秀次。中根一左

衛門正直。門奈善三郎真友。大河原源五左衛門。渡邊十右

衛門永渡。邊新九郎。牧右衛門四郎長正。鈴木傳八郎。其弟

又六郎。米澤十郎左衛門。大村彌三郎。荒川甚太郎。權田久

助。小笠原三郎兵衛。大橋刑部。高梨權右衛門。秀政等戰死。

秀政源太郎政賴子。戰死據高梨系圖。其最著者。細川喜三郎勝宗。山下七郎

右衛門。回馬戰死。勝宗弟喜八郎。七郎右衛門弟喜兵衛。各

斬其鱗。奪兄首而歸。本多正重。小笠原小五郎安勝。杉原彌

一郎親次。戶田光定。森川氏俊。大岡傳藏。清勝。力戰被創。阪

部又十郎正定。酒之丞。正家長子。斬獲而傷。取敵將土屋右衛門昌

次馬。昌次年譜附尾三方原合戰。記作直村。今從松榮紀事。乘而歸。獻之神祖。杉浦勝

吉。渥美友勝。大河原正勝。山田十大夫重利。本多八藏。秋元

吉久。水野忠重。西鄉孫九郎家貞。孫九郎清貞子。松榮紀事。作正貞。今從前車後語集。

松平康元。家負康元。各十六歲。淺井道之助。忠次。神谷與次。右衛門清

次原田佐左衛門。皆獲首級。康元之兵金田鞞負宗房戰死。本多廣孝康重父子。回騎奮戰。其兵鷹部屋架之助獲級。柙原康政部兵原田權左衛門。安松矢之助。神谷助右衛門。鷹見新八郎。苦戰有斬獲。河合久次郎為敵所圍。既危。松平真乘馳救。擊敵却之。阿部忠政。長阪源二郎。重信。各射殺敵三騎。戶田勝則射殪數騎。武藏孫之允亦善射。本多重次馬斃步鬪。敵數騎競進。重次揮槍刺殺騎士。乘其馬而歸。重次豫備守城之虞。多儲軍糧。神祖悅之。松榮紀事

天正元年癸酉正月。大將軍源義昭遣上野中務大輔清信於刑部。賜書信玄。使與信長神祖講和。以止兵革。信玄不奉

命。先是信長約以信玄女妻長子信忠。

時稱奇妙御曹司。後為秋田城介。至三位

中將。至是信玄送平手汎秀首於信長。以責其負約而援神祖。

信長遣使刑部分疏。信玄不聽。遂與之絕。上書義昭。舉信長神祖罪五以譖之。信長亦上書義昭。訴信玄罪七。由是二國相惡如水火。甲陽軍鑑。松榮紀事。七日。信玄發刑部。經本阪。入參州。十

一日。攻野田城。守將菅沼定盈。松平忠正。設樂貞通。固守。晝夜苦戰。敵列竹牌。蒙龜甲。○今按其製與轆轤車。光頭木驢相近。急攻之。外郭

已破。僅保牙城。敵設鹿角。使鑿地道。洩井泉。城中糧竭。水涸。告急濱松。神祖率兵陣于笠頭山。甲軍精銳。我軍寡少。不可輕戰。退入吉田城。使小栗大六重常乞援兵於信長。信長畏

信玄不肯出兵。定盈力屈。遣使信玄告曰。全城兵命。則定盈

忠正自殺以救衆。信玄許之。定盈忠正出城將自殺。信玄設

計擒二人。城兵脫去。城遂陷。信玄使山縣昌景囚二人於長

篠。松榮紀事云。因於外郭。家忠日記云。郡內蓋郭內之訛。今從年譜附尾。啗利使降。定盈忠正

固守臣節。志操不撓。先是山家三方將管沼滿直。管沼伊豆滿直。松榮

紀事元龜二年。書管沼正負之家臣。陪臣不應與。諸將同列。疑正員之訛。然無所考定。今從本書。與平道文。

管沼刑部。管沼正員。屬神祖。納質濱松。叛降信玄。至是請信

玄曰。願以吾曹四人所置濱松質。易定盈忠正。信玄許之。告

狀濱松神祖諾之。二月十五日。各以騎兵二千護送。易之於

廣瀨河上。年譜創業記。家忠日記。松榮紀事。○松榮紀事云。護送兵各一千餘騎。今從年譜。家忠日記。按甲陽

軍鑑易質於長篠馬場。今從年譜。家忠日記。松榮紀事。又按松榮紀事載一說云。是時信玄所幽于甲府濱松之質。酒井

忠次之女。亦送還濱松。神祖嘉定盈之忠誠。賜遠州采地。松榮紀事十六日。

信玄罹疾。使山縣昌景據野田城。引兵去陳于長篠。修築城

郭。創業記。松榮紀事。遣兵戍作手城。初神祖定遠州地。遠州諸將多

奔甲州。屬信玄。至信玄略遠州。皆為鄉導。及旋軍。留諸將於

遠州。招集餘黨。據天方六笠。可久輪鳳來寺一宮。故城及二

股。以逼濱松。神祖謂不可使敵在近郊。三月。使平巖親吉將

兵攻天方城。先是城主久野宗政為其族宗能所逐。奔甲州。

及從信玄來遠州。得入天方城。修築日淺。壘壁未完。固親吉

急攻之。宗政不能支。又奔甲州。石川家成。久野宗能。攻可久

輪城。城兵不戰而走。酒井忠次縱火角屋村。直進攻鳳來寺

城。城兵雖出戰。終為忠次所敗。棄城走。六笠一宮二城。望風

潰走。年譜創業記家忠日記松榮紀事○松榮紀事曰一說忠次攻鳳來寺城在二年今按諸書皆係今年係二年

恐四月十二日信玄疾革未至甲州而卒于信州平屋波合

松榮紀事年五十三秘不發喪子四郎勝賴統領其眾年譜或云駒場

記家忠日記甲陽軍鑑松榮紀事按甲陽軍鑑信玄自野田

城歸甲府三月九日疾瘳發兵將入京師十五日攻濃州巖

村城拔之屯西鄉山使山縣昌景攻吉田城四月十二日卒

于參濃信三州之界根羽上村叙事詳悉年譜附尾從其說

然松榮紀事書成在甲陽軍鑑之後蓋有所據故今從之○

松榮紀事曰勢州山田人村松芳休妙于吹笛適在野田城

每夜吹笛其聲瀏亮敵軍喜聞之一日有兵士揭紙竹竿持

來植于濠上城兵鳥居三左衛門怪之以為此或主將來聽

認之為標入夜芳休又吹笛果有人來聽三左衛門以竹竿

為準放鳥銃中之敵兵騷擾軍中傳言信玄中銃病創而死

創業記一說德川歷代並云信玄中銃而死甲陽軍鑑力辨其非曰世人所傳皆妄假使中銃而死非主將之恥其說是也然松榮紀事一說諸書所不載蓋有所本附以備攷

臣按武田信玄近世所稱名將也紀律正號令嚴見可而

進知難而退故能蠶食鄰境跨有五州終身未嘗敗衄舉

世皆所知也然其逐父自立甚於衛輒拒蒯聩固天人之

所不與也或者以為信虎凶暴非保邦之器而亟欲廢嫡

易嗣武田之家亦甚危矣信玄不得已而逐之竟能開拓

封疆興隆先業是雖不孝於其親而孝於祖先庸可譏乎

臣竊謂不然信玄處危懼之地當盡為子之道邦之存亡

非己之所與也聖賢之語固不足以方之請以戰爭之世

喻之。燕劉仁恭自恃疆大。驕侈貪暴。及梁將李思安攻之。非其子守光擊却之。則燕幾不守矣。然守光囚仁恭於大安山。悖逆尤甚。可以存燕之功而解囚父之罪乎。夫囚與逐。雖有輕重。其為逆則一也。斯可以斷信玄之罪矣。至於乘今川氏真之闇弱。誘將佐而奪其邦。則舅甥之恩。蕩然而盡矣。尚詐力而貪功利。信玄用兵。率此類也。然其行軍臨陣。部伍整肅。料敵制勝。算無遺策。雖古良將。不能過之。世與上杉謙信並稱。以為兩雄。豈徒然哉。

六月。神祖詔察二股城。築一屋城。山二寨以備之。七月十九日。神祖率兵經略長篠城。甲州守將室賀一葉軒。小泉源二

郎。吉田某等。謀襲我軍。偃旗卧鼓。寂若無人。我軍怪之。試射

火箭。南風歛起。火勢甚熾。城郭悉為灰燼。我軍乘勢急攻城。

將退保子城。拒守踰月。年譜創業記。家忠日記。松榮紀事。是月。織田信長廢

大將軍源義昭。放之河內。信長譜。松榮紀事。八月。武田勝賴欲救長

篠。出屯駿遠二州間。馬場氏勝出。鳳來寺。壁于二山。甘利部

兵壁于作手。武田信豐。土屋昌次。壁于黑瀨。移營作手。出設

樂。以據險要。家忠日記。松榮紀事。武田刑部少輔信綱。略遠州。信綱信

稱孫六郎。剃髮號逍遙軒。甲陽軍鑑。陳于森村。大須賀康高。

柙原康政。戰于堀越。敗之。斬獲頗多。甲軍潰走。創業記。松榮紀事。初

作手。與平氏。東參河之豪族。而士馬精彊。最堪摧陷之任。神

祖常重之。及信玄侵略遠州。與平道文叛降信玄。其子貞能雖通志于濱松。而不能違父命。從屬甲州。至信玄卒。知勝賴非將帥之器。密圖歸款。○甲陽軍鑑曰。貞能信昌父子。頗讀書。曉文理。並知癸酉年信玄必死。故叛歸濱松。時武田信豐在黑瀨。管沼刑部之臣城所道壽。告貞能有貳。信豐召貞能詰之。貞能登時至黑瀨。謁信豐曰。此敵之詐謀。而欲間我也。不可輕信。談笑自若。信豐不意其遽至。喜不復疑。反以密謀告之。貞能歸城。豫告歸款之期。於濱松。率其子信昌及部兵。乘夜去。作手來歸。甲州戍兵急追之。貞能反兵。戰于石堂。金阪却之。神祖使松平伊忠。本多廣孝。康重父子迎之。貞能信昌至宮崎瀧山。翌日又遣平巖親吉。內藤

金一郎援之。松榮紀事○本書不書金一郎名。按內藤家譜彌次右衛門家長初稱金一郎。在上文。其子政

長亦稱金一郎。然此時尚幼。其為家長明矣。貞能以兵寡去瀧山。二十一日。甲軍

五千餘騎至宮崎瀧山。將攻砦。貞能又至瀧山。堞壁未成。纔

列柵。貞能出戰于山下。破之。逐北至田原阪。斬獲五十餘人。

神祖又遣本多廣孝父子援之。其軍適至。貞能合兵至作手。

甲軍出城拒戰。貞能又擊破之。放火島田邑而還。信昌妻為

質在甲府。勝賴怒其反覆。磔殺之。年譜創業記家忠日記。松榮紀事。是月。織

田信長將兵。攻朝倉義景於越前。宗臣朝倉景鏡斬義景首

出降。又攻淺井久政及其子長政於近江。大敗之。久政長政

自殺。二國悉平。創業記。信長譜。織田本信長記。淺井軍記。

臣按。淺井長政藉其祖亮政之基業。雄視江北。接疆越前。兵疆地險。與朝倉義景輔車相依。亦猶竇建德之於王世充。而猛將勇士多出其下。固信長公之所畏憚也。蓋長政不服。則信長公不能越近江而窺京畿。故結昏以親之。渝盟以斃之。其遇信長公。實長政之不幸也。亮政奸雄。終不能爲人下者。一旦崛起。逐上阪泰舜。幽京極高岑。其反於泰舜。是反於高岑也。陽爲尊之。其實篡之。謀愈巧。而罪愈大矣。久政庸劣。不恤軍政。拒諫信讒。疎斥耆舊。群下離沮。而不遽至覆滅者。特以長政善收士心。維持紀綱。遷延歲月耳。長政勇略超群。百戰不撓。殆有孫策姚襄之風。而

終不救於敗亡者。久政蠢愚。掣肘膠柱。長政請戰而不許。坐失事機之所致也。遂使疆敵得逞志於我。力殫勢蹙。父子不能自全。悲夫。寬永中。長政以崇源院太夫人之故。贈從三位權中納言。亦足以洩餘憤而賁幽壤也。

長篠城中。器械糧食悉焚。終不能守。九月八日。室賀小泉吉田三將。及菅沼正員。菅沼滿直。出奔甲州。神祖將還濱松。馬場氏勝。武田信豐等。欲東南夾擊。以邀歸路。神祖聞氏勝在鳳來寺。親往擊之。欲誘出平地決戰。而積松葉縱火。佯爲燒營而遁。伏兵其側。甲軍見煙起。數騎馳至。伏不及發而過。創

記。家忠日記。松榮紀事。○創業記。家忠日記。及松榮紀事。一說。馬場美濃守老于戎事。見煙起。戒士卒曰。煙氣白。非燒營

者此必有謀不可輕出終不出兵據一本德川記抄則氏勝出兵未知孰是附以備考

穴山梅雪山縣

昌景出遠州陣于鶉飼山梨以為長篠聲援神祖使大須賀

康高神原康政大久保忠世本多重次擊之梅雪昌景聞長

篠城陷神祖還濱松大駭揭紙旗於陣營中夜遁去武田信

豐土屋昌次亦失其謀引去創業記松濱松將士相謂曰信

玄死未數月甲軍再失利勝賴之武力不足畏也松榮紀事勝賴

屢窺參州終不能得志募鳳來寺民兵導其軍植村莊左衛

門泰忠新六持益第二子初為鳳來寺別當號安養院神祖命使養髮後稱土佐守據植村系圖植村舊書上村

至持益曾孫出羽守家正改書植村然知其謀告濱松神祖

召本多重渡邊半兵衛等謂曰鳳來寺與敵接境不可使

賊遁入敵地須生擒致之半兵衛與弟黑右衛門謀擒賊魁

首歸濱松神祖褒其功速成家忠日記松榮紀事勝賴出兵遠州以備

久野懸川自率驍騎陣于見付縱火焚村里涉天龍川將攻

濱松城濱松卒有入勝賴營盜馬者捕得之問城中虛實對

曰城堅兵精上下輯睦未易猝攻衆聞而沮勝賴慮衆心不

一不能深入歷社山出山梨陣于須雲原將佐聞濱松有備

請班師勝賴曰大兵壓境無功而還將之恥也命武田信豐

馬場氏勝築城於諏訪原使室賀一葉軒小泉源二郎守之

引兵還甲州家忠日記松榮紀事是歲世子信康年十五歲始擐甲松

平重吉相其禮參州宇理僑人熊谷某誘土人作亂攻鈴木

137
20
125

宮田六左衛門刺

神田鍛冶町四番地

江川八左衛門 一枚

同

江川八左衛門在留
括

江川新吉 一枚

同

同
在留字
括

江川作之助 一枚

同

同

神尾彌吉 一枚

市々谷町六十三番地

江川八左衛門括

大河原源吾 一枚

吳服町十一番地

宮田六左衛門 二枚

神田小柳町十三番地

木邨嘉平 七枚

八官町四番地

五氏括

杉田金助 二枚

濱町二丁目一番地

同

松島政吉 一枚

卷三


137
20
125

東 京 圖 書 館				
二	五	八	三	雜
〇	五	八	三	史
冊	號	架	函	類

和書門


烈祖成績 安積覺編次

卷四



列祖成績卷之四起天正二年終六年

安積覺 編次



天正二年甲戌正月朔將士登濱松城賀元正家忠日記○按賀正之禮

非昉于此岡崎以來有之既久舊記闕略本書至此始書明年以後往往書賀正及謠初故此後節略不書據元寬日錄

元和二年正月台德公命執政酒井雅樂頭忠世土井大炊頭利勝撰定賀正禮節立為永式至今為江城盛禮

日夜濱松城謠初家忠日記○本書謠初如例諸士參賀既

載松平氏謠初座次則神祖在岡崎城既有此禮而原始未詳按承應元年十二月二日嚴有公所生寶樹院增山氏卒

明年正月移為三日亦為江城盛禮創業記曰慶長十二年正月二日江戶城謠初各著烏帽子素襖其儀古雅近世武

將所無也據之則五日神祖叙正五位下年譜創業記公卿其為大禮可知矣

榮紀二月八日神祖第二子於義磨呂生於參州產目村有

故育於本多重次家長而名秀康。創業記家忠日記松榮紀

子為結城晴朝女塔冒結城氏任參河守稱結城參河守至從三位權中納言領越前世稱越前黃門○松榮紀事曰永

祿十二年神祖攻堀川城自吉美邑渡海至宇布見邑土人中村源左衛門入道喜樂備船其後喜樂奉命撫育秀康按

產目宇布見國音相近蓋一處也附備一說○創業記考異是月武田勝賴出兵足助神祖帥師備之然他書所不見故

不書四月六日神祖欲攻乾城出兵廟路陣于瑞雲前鋒既至

和田谷連雨溪水暴漲糧餉路絕諸將昏議糧匱師老深入

敵地此危道也不如退至御倉待雨霽而進兵神祖從之引

兵而還大久保忠世水野忠重為殿乾城主天野景貫以為

敵陷險隘機不可失乃使民兵布漢山澤連放鳥銃邀前襲

後我軍自氣多鄉至大窪邑且戰且却堀小太郎鶉殿藤五

郎大久保勘七郎小原金内等二十餘人戰死忠世忠重還

戰救眾杉浦久藏被傷不能退忠世授馬久藏徒步而退忠

世過隘路使奴執背旗塗金揚羽蝶忠世常所負敵兵五六人出自谷中

奪之忠世斬敵二人取背旗插腰而還榊原康政奮擊却敵

獲首數十級御倉亦非險要之地神祖斂兵入天方城五月

二十七日武田勝賴侵遠州攻高天神城守將小笠原氏儀

使向阪牛之助光行告急濱松光行冒圍往反凡三牛之助

雜錄牛之助事記六月十日神祖將兵救之使小栗重常乞援織田

信長信長信忠父子帥兵二萬餘騎發岐阜十七日至吉田

勝賴聞援軍至欲邀擊之營于小山前軍薄城急攻氏儀及

勝賴聞援軍至欲邀擊之營于小山前軍薄城急攻氏儀及

勝賴聞援軍至欲邀擊之營于小山前軍薄城急攻氏儀及

勝賴聞援軍至欲邀擊之營于小山前軍薄城急攻氏儀及

渡邊金大夫林平六等拒守。初氏儀與岡部丹波岡部正綱屬今川氏真。以勇聞。至是互呼其名爭戰。勝賴將內藤修理昌豐及岡部正綱弟治部忠二郎等督兵疾戰。正綱進攻外郭破之。治部及朝比奈金兵衛先登戰死。忠二郎鈴木彌二右衛門等相踵涉隍登堞。遂破其一面。城兵堅守不屈。氏儀勇有餘而無操守。勝賴啗利誘之。氏儀終叛。引勝賴兵入城。金大夫平六等亦降。信長至今切渡聞城陷。還至吉田。神祖往謝之。年譜創業記家忠日記織田信長譜松榮紀事信長勞神祖曰。頻年勝賴數擾邊境。賴卿威武而我無東顧之憂。遂得經略四方。聞遠參二州。去年不稔。國用頗匱。今雖不腆。贈黃金二袋。頒給

將士。以獎戰功。及歸。賜貞宗短刀於吉田城主酒井忠次。甲

陽軍鑑曰。黃金二百枚。創業記曰。黃金一駄。時人皆駭。家忠日記。織田信長記。信長譜。年譜附尾。松榮紀事。並曰。盛黃

金於二革袋。每一袋二人捧之。今從之。勝賴賞氏儀給一萬貫采地。時人莫不

惡其反覆也。家忠日記。松榮紀事。先是氏儀重臣送任子於濱松。故外

雖服從。而內實懷貳。至是事露。神祖誅氏儀臣福島十郎左

衛門父子安西越前。宥其餘隸麾下。創業記。八月。神祖築馬伏

塚故壘。使大須賀康高守之。以備高天神。賜氏儀采地于康

高。家忠日記。松榮紀事。是春。勝賴出兵美濃。攻拔信長管內十八城。夏

陷高天神城。軍勢大振。其心驕汰。以為勇武無已若者。佞臣

長阪釣間齋跡部大炊助勝資。逢其惡而助長之。虐使士民。

佳兵不已。欲先攻濱松。九月。出侵遠州。大雨連日。天龍川大漲。不得輒涉。勝賴進自見付府。陣于河上。濱松將士鳥居元忠。大久保忠世。其弟忠佐。成瀨正一。內藤正成。柴田康忠。榭原康政等。可三十騎。出候形勢。甲軍板垣某部兵五騎。○按板垣駿河信方子彌二郎信憲。前此既死。板垣甲進將涉河。候騎府重臣。此時未知為誰。蓋使其族統兵衆也。躍馬入河。欲逆擊之。敵不得涉而還。候騎直前。向勝賴陣。甲軍朝比奈駿河部兵三騎。進入河。勝賴謂寵臣土屋總藏昌恒曰。昌恒右衛門昌次弟。板垣之兵不能涉。而三士欲涉。其志在必死。使渠就死。是吾恥也。秉麾而進。昌恒疾馳涉水。甲軍二萬餘。絕流爭進。水為之溢。下流頗淺。山縣昌景一軍先涉。濱松候

騎急退。與後軍合。馬場氏勝與昌景並進。陣于羽柴上間。待衆軍至。神祖率騎兵七千。分為九隊。親將四千。陣于小天龍。酒井忠次。石川數正。松井忠次等三千騎。陣于下流。欲待敵涉。小天龍而橫擊之。勝賴將校。知吾軍嚴整。不可交鋒。而勸勝賴旋軍入二股城。歷井伊谷。還至信州伊奈。神祖收兵入城。年譜創業記。甲陽軍鑑。家忠日記。松榮紀事。

三年乙亥正月十七日夜。天野康景婢夢連歌發句。其詞有吉兆。明日康景白之神祖。神祖命以是月二十日賀鎧供日。足為一百句祝之。是夏有長篠大捷。以為禎祥。每歲正月二十日。有連歌會。遂為恒式。○家忠日記。以夢發句為二月十七日夜。誤。今從松榮紀事。按慶安

四年四月二十日、大猷公薨、明年移二月、神祖放鷹濱松城、鎧供賀連歌會為十一日、至今如此。

下見一童子、容貌閒雅、問誰子、對曰、小子萬千代、井伊肥後

守直滿之孫、肥後守直親之子也、依繼父松下源次郎、在城

下、神祖聞之驚、即召入城、賜井伊谷舊邑、以三人眾為部屬

如故。○按井伊谷三人眾、近藤康用、鈴木重時、此時既死、康用子秀用、重時子重好嗣家、唯菅沼忠久存、沒無所考。

又使木股清左衛門守勝、棕原次右衛門西鄉藤左衛門保

護之、萬千代時十五歲、名直政。後任兵部少輔、至從四位下、侍從、為江州佐和山城主。

長而有將帥之器、遂為元勳良佐。家忠日記、初岡崎奴隸大

賀彌四郎敏捷有吏才、積勞登庸、掌二十餘縣賦稅、家富族

盛、竊圖不軌、結小谷甚左衛門倉地平左衛門山田八藏為

黨、以連名狀告武田勝賴曰、寡君每至岡崎、必使彌四郎啓

門、公能潛師而來、則城可得也、長子信康雖守岡崎、而城中

所有皆濱松將士之質、而鬪兵甚寡、將士聞城陷、則眷戀妻

孥、皆無鬪志而來降、必矣、縱有不降者、不過二三百人、離析

迸散而奔佗州、豈能保濱松哉、可一舉而得志也、勝賴大喜、

刻期發兵、八藏悔悟以為弑君大逆、天地所不容、乃入城告

其謀曰、儻疑臣言、請遣人就臣室內聽其謀、八藏招彌四郎

定反計、世子密遣人聽之、審得其實、以告濱松、輒逮彌四郎

急縛之、鎖頸馬上、戾之、書罪狀於幟、植其背、徇于濱松、先磔

妻子五人於念子原、彌四郎見之戰栗、又押至岡崎、徇于道

路生理之。以竹鋸鋸之。七日而死。方八藏之自首也。平左衛門知事覺逸去。收而斬之。甚左衛門走至遠州國領鄉。渡邊守綱將捕之。甚左衛門善泅。投天龍川。泳至二股城。遂奔甲

州。年譜創業記家忠日記。松榮紀事東照宮遺訓。

臣按軍國多事。必資理財之臣。然後能得經略邊陲而控制疆敵也。昇平之世。既不可闕。矧於疆場多虞。飛輓芻粟之日乎。然理財之臣。簡之實難。精敏捷給者。邪正叵測。詳審暢達者。忠佞難辨。苟非人君能燭心術之微。而察公私之分。則鮮不為之所惑矣。大賀彌四郎以吏胥之賤。掌賦稅之重。神祖委任之。而邦人皆以為能。此必精敏詳審。其

才有過人者。而心術不正。賂權要以干譽。媚左右以掠美也。蓋小人之欲。溪壑難盈。非有飛揚跋扈之才。而陰蓄蛇虺蜂蠆之毒。豢養妻子。庇護宗族。是誰之力。而其志猶歉。覬覦非望。忘覆燾之恩。而為弑逆之計。同惡相濟。通謀敵國。幸而山田八藏幡然悔過。自首告狀。不然則變生肘腋。而其禍殆將不測。寘之極刑。未足償其罪也。據巖淵夜話。神祖常與近臣譚此事。以為戒。亦可以見神祖寬大之德也。

勝賴率兵二萬。至參州二連木。

○織田本信長記曰。三月下旬。勝賴率兵出於足助。織田

信忠將兵赴之。蓋此時事也。然他書無所見。附以備考。聞彌四郎敗怒曰。遽興兵甲。無

功而還。我不為也。四月二十一日。松榮紀事一說五月朔年譜創業記家忠日記及紀

事正文皆作四月二十一日、今從之。圍長篠城環而攻之。五月六日。分兵劫略

二連木牛窪。將逼吉田。神祖屯吉田外郭。欲待勝賴兵至而

戰。世子軍于山中法藏寺。勝賴率勁騎一萬陣于小山。濱松

諸將以為敵兵倍我。不宜野戰。不如還軍入城。嚴其守備。待

敵至而決戰。神祖從之。酒井忠次為殿。甲軍前鋒山縣昌景

率五隊長躡吾軍。忠次還鬪。戶田左門一西吉兵衛氏光子與甲軍

廣瀨鄉左衛門景房。大津土左衛門與三科傳右衛門形幸

接槍。○勝賴滅後神祖以景房形幸為井伊直政部兵景房稱美濃形幸稱肥前孕石源右衛門。

小菅五郎兵衛助形幸而來鬪。抵暮解去。明日景房又出。忠

次接戰于吉田街口。凡三。互以言相證。甲州壯士助景房競

進。水野忠重。戶田一西。渡邊守綱等三十餘人奮擊爭勇。景

房盤馬收兵。徐徐而去。衆皆稱其膽勇有餘。而工於騎乘也。

德川記家忠日記松榮紀事水野忠重力戰有功。甲軍放銃。中其左臂。忠

重不能進鬪。右手執槍指揮士卒。水野系圖本書曰長篠之役忠重病創不能從軍

勝賴日夜攻長篠城。奧平信昌及援軍將松平伊昌厲衆固

守。神祖欲救之。使小栗重常乞援於織田信長。信長許之。而

不出兵。甲軍攻城甚急。神祖又使重常與信昌父貞能抵岐

阜告急。信長乃出師。十一日。城兵出南門與敵戰。却之。奪攻

具。焚竹牌。十三日夜。敵攻瓢丸甚急。城兵拒戰。敵兵死傷甚

多。然壘壁破壞。終不可保。故棄瓢丸。乘夜退入第三城。敵又設攻具。鑿地道。攻擊不遺餘力。十四日。信昌謂衆曰。糧匱難支數日。誰能出城趣援兵。衆相顧莫敢應者。烏居強右衛門進曰。我能爲之。信昌悅。使告神祖曰。城郭非不完。矢炮非不足。所乏者唯糧耳。若不急救之。則信昌自殺以代士卒之死。強右衛門乘夜犯圍而出。明旦舉燧前山報之。城兵皆悅。其夕強右衛門抵神祖營告狀。神祖面命曰。十三日信長既發岐阜。吾亦發兵赴援。強右衛門冒夜遽歸。十六日至長篠城下。欲伺間入城。甲軍怪其行。纏色異。執之。勝賴使逍遙軒信綱諭之曰。從我言則厚疇汝。否則死。汝至城下。呼相知者。宜

言信長不能來援。須速出降。強右衛門佯諾。勝賴使壯士十餘人引至城下。強右衛門大呼曰。岐阜濱松大軍來救。既在近垆。不出三日。當得大捷。努力堅守。言未畢。甲軍攢槍刺之。礮于柵前。兩軍之士。知與不知。莫不稱其忠烈也。年譜創業記。家忠日

記德川記。松榮紀事。

臣按。烏居強右衛門古之解揚也。揚受晉景公之命以出。有死無賈。則其視死如歸。決烈可知。而舍之以歸者。楚莊王之仁也。若東漢閻溫之於馬超。東晉周崎之於魏乂。唐劉感之於薛仁杲。皆反其言以成命。亦揚之徒也。溫爲超所殺。崎爲乂所殺。感爲仁杲埋之。至膝。馳騎射殺強右衛

門為武田勝賴所磔。慘酷之極。殆與感相類也。強右衛門
 唯知舍生取義。勝賴之賂我。不知命也。是故決然行之。而
 不疑。毅然處之。而不顧。至今凜凜猶有生氣。豈非烈丈夫
 也哉。援軍大至。勝賴崩潰。果如其言。與平信昌以拒守之
 功。世受茅土之封。強右衛門忠於所事。而有功於當時。忠
 臣義士。何代無之。較之四子。殆有過焉。貞能信昌愛養死
 士。竟得其力。父子之將略。亦可以概見。神祖器重信昌。而
 竟與東床之選。良有以也。

敵將馬場氏勝。內藤昌豐。山縣昌景。小山田信茂。原隼人胤
 長諫勝賴曰。聞家康信長將兵十萬來援。戰必不利。及兩將

未至。解圍而去。則彼空手失計矣。不然。蟻附攻城。雖我兵多
 死。而城既陷。則乘其勢而還軍甲府。勝敗之機。在此二途。長
 阪釣間跡部勝資大言曰。二子之來。天幸也。將一舉殲之。勝

賴然之誓。以旗無盾。期必逆戰。○按白旗無盾。鎧刑部丞源

以為重器。誓以此。二諸將不能復諫。憤激皆謂一死以報國。

家忠日記。甲陽軍鑑。松榮紀事。十八日。信長進軍。設樂極樂寺。信忠屯御堂

山。織田本信長記。家忠日神祖陣于高松。羽柴秀吉。瀧川一

益。丹羽長秀。陣于荒海原。別將十三軍。據高而陣。適城兵鈴

木金七齋。信昌書來曰。勝賴急攻。則城中鳴鐘報之。城猶足

固守。慎勿輕戰。取敗。神祖聞報而喜。問汝如何而出。對曰。夜

密緹城而出。敵設網濠中。繫鈴而守。臣以短刀截網。潛行水底而來。神祖使金七謁信長。信長聞之亦悅。初勝賴營于道虛寺山。使將佐攻長篠城。聞援軍至。分騎兵二千。使小山田備中昌行高阪源五郎室賀一葉軒督之。備長篠城。又分二千。以武田兵庫頭信實為將。信實信虎子信玄弟三枝勘解由左衛門守友名和無理之助。五味與三兵衛飯尾彌四右衛門屬之。德川記松榮紀事飯尾作井伊今從甲陽軍鑑守為巢山城。先是小栗某有故去岡崎事勝賴。適使京師而還。過本多忠勝之營。起居神祖。忠勝使謁神祖。授以密計。歸報勝賴曰。信長畏甲州之武威。樹柵設塹。為守備計。公若出兵擊之。勢如摧朽也。勝賴喜。自率諸

部。渡瀧澤川。進二十餘町。陣于原上。分為十三隊。背水而陣。

決意必戰。馬場氏勝。真田源太左衛門信綱。海野小太郎幸義孫彈正忠幸

隆長子幸隆更真田氏松榮紀事信綱作則之今從真田系圖其弟兵部昌輝。土屋昌次。穴

山梅雪。一條右衛門大夫信龍。武田信虎季子信玄弟初稱藏人合六隊。對

大宮前佐久間信盛。木下秀吉。明智光秀為右軍。逍遙軒武

田信綱將內藤昌豐。原胤長。安中左近。和田左衛門。五感。永

倉。白倉。松本等。對所陣柳田瀧川。一益等為中軍。武田信豐

○諸書皆書典廐而無名故嫌於其父信繁按信繁永祿中戰死于川中島其子信豐襲稱左馬助此所謂典廐者信豐也將山縣昌景。小笠原掃部助信嶺。左衛門佐信貴子嶺或作峯稱十郎三郎世居

松尾松岡某。小山田右兵衛。跡部勝資。甘利三郎四郎。小幡

兄弟等。○本書書小幡兄弟而無名，蓋上總信真也，見下文。對正樂寺前竹廣神祖之

兵為左軍。勝賴麾下前隊望月甚八郎。後隊武田左衛門亦

對神祖之兵。酒井忠次本多廣孝相謂曰。今誘勝賴陷于死

地。我軍必得勝矣。一本德川記抄松榮紀事。○德川記抄載

出軍。小栗來于忠勝之營。告其實。且曰。公若赦舊罪。則請為

反間。忠勝告神祖。神祖召之座間。賜杯酒。曰。汝歸報勝賴家

康欲救長篠城。乞援兵于信長。信長不肯。既非家康一人力

所能及。又恐攻吉田城。頻作守禦之計。無復出軍之意。小栗

誓踐言于神祖而去。小幡景憲紀事曰。初神祖使與平貞能

又問佐久間信盛。信盛曰。今通謀于長阪。鈞間示畏。甲州之

武威。令勝賴自矜。則必取勝。公不疑臣。則為其謀。信長許之。

信盛遣使鈞問。贈刀劍。曰。信長甚畏甲軍。公若進軍急擊之。

勢如摧朽。勝則我降甲軍。請君莫棄我矣。鈞間喜告勝賴。勝

賴不用老臣之諫。而決意戰。然後信長出師。行路遲滯。作恐

懼之狀。又使謀流言曰。甲兵一人。當織田之兵數人。樹柵設

二說各異。而其謀相同。未知孰是。十九日夜。信長遣謀覘

敵。及曉歸曰。甲州陣營甚嚴整。凜乎不可犯。二十日。又遣數

人覘之。復如此。尾州將佐相顧失色。晡時。信長會諸將議之。

神祖亦赴焉。信長名酒井忠次問其狀。對曰。臣自昨日至今

日。遣間諜數輩覘之。勝賴兵不多。明日之戰。必有利矣。信長

大喜曰。海道第一勇者酒井左衛門尉。能得敵之情狀。取勝

在吾掌中矣。賜杯酒於忠次。使進其杯於信忠。謂忠次曰。聞

子善為撈蜆河舞。○撈蜆河諸書皆作夷舞。按酒井系圖。十

設宴于黃瀨川上。忠次為撈蜆河舞。氏政悅。贈佩刀。今為我

進曰。此戰專擊寡君之安危。故敢躡等而言。今夜歷間道襲

鳶巢山。縱火劫略後軍。則彼必敗衄矣。信長怒叱之曰。始吾

以子為知兵。今何策之繆也。忠次怩怩而退。家忠日記。年譜附尾松榮紀事。

本文並曰。忠次進計于神祖。神祖然之。使至信長之營。告之。信長叱之云云。今從紀事一說。及甲陽軍鑑。既而信

長密召忠次。謂曰。子之策甚善。吾懼謀泄。敵或聞之。故於衆

中。陽怒以黜之。今取鳶巢。誰能任之。對曰。忠次能知其地形。

即為鄉導。請以兵從。信長使金森五郎八長近。佐藤六左衛

門。及前軍將青山新七郎。加藤一左衛門從之。命忠次曰。登

山。即舉燧。忠次不歸營。直趣鳶巢山。神祖使松平伊忠。其子

家忠。本多廣孝。其子康重。松平清宗。牧野康成。松井忠次。管

沼定。盈西鄉家員。阿部四郎兵衛。定次等。率騎兵三千。兩軍

合八千餘。定次老練戎事。故與其選。以奧平貞能。名倉喜八

郎為鄉導。中夜冒險赴鳶巢山。以俟天明。信長神祖兵合七

萬。神祖為前軍。尾州諸將陣于左右。佐久間信盛為左軍。羽

柴秀吉瀧川一益為右軍。○一本以信盛為右軍。秀吉一益為左軍者誤。信長信忠

為中軍。繼之。信長與神祖議。甲軍長於騎戰。勝賴恃勇無遠

略。彼必馳騎衝突我軍。宜列柵以數千。銃手擊之。夜命衆卒

樹柵。二十一日黎明。選銃手三千。分為三隊。瀧川一益木下

秀吉。丹羽長秀。銃手一千。守第一柵。前田利家。佐佐內藏助

成政。銃手一千。守第二柵。福富平左衛門。塙九郎左衛門。更稱

原田備中守野野村三十郎幸政。主計頭幸之子。銃手一千。守第三柵。令

曰敵來勿濫發。至五步十步間。每一千銃遞放之。進退隨敵。

勿使彼暫休。中軍遊軍。左右前後。各嚴守備。禁不聽號令而

出柵外。又賜堯整於河尻與兵衛秀隆。後稱肥後守。然諸書或書肥前守。雜糅無

所取決。據其子亦稱肥後守。則肥後為是。年譜附尾曰。名重吉。今從先臣城所友仙訂正。至信忠之營。戒

之曰。慎勿浪戰。每事必與與兵衛謀之。神祖亦列柵軍前。每

三十步設一口。又每三十步。豎列柵。以防甲軍縱橫馳突。選

精兵善銃者三百人。以大久保忠世及弟忠佐為前鋒。出于

柵外以監之。本多忠勝為軍監。忠勝軍監。據創業記本多家譜。忠佐謂忠世

曰。尾州援兵也。濱松主兵也。援兵先戰。則主兵之恥也。請從

我始。忠世然之。白神祖。神祖聽之。家忠日記。德川記。大久保系圖。松榮紀事。成瀨

正一往年事。武田信玄數年而歸。事麾下。故能審甲軍旗幟

軍裝。神祖使在前隊。以物色之。一無爽誤。成瀨系圖。松榮紀事。既而信

長之軍。放大銃。劫敵前隊步兵。揮槍挑戰。甲軍魚貫而進。德川

記年譜附尾。竝云。甲軍放大炮。挑戰。今從代代記。松榮紀事。山縣昌景勁騎三千。鳴鼓來

攻。我兵齊放鳥銃。敵兵不沮。左右馳突。忠世忠佐臨陣督戰。

叱嗟風生。昌景驍兵小菅五郎兵衛。廣瀨景房。三科形幸。挺

衆力戰。敵兵被創稍退。我兵乘勢競擊。昌景不遺餘力。血戰

十三次。大喊而進。濱松銃手三百。左右均發。昌景之兵死者

過半。昌景勇氣不撓。勵衆直逼神祖麾下之柵。本多忠勝知

其為昌景。令銃手狙擊之。昌景中鉛墜馬而死。○勇士一言集曰。關西人

大阪新介巧於鳥銃。往仕麾下。長篠之役。放銃斃昌景。部兵志村又右衛門收其首而

去。逍遙軒信綱相繼而進。前隊銃手均發。信綱敗走。原胤長。

小山田信茂跡部勝資。望月甚八郎。安中左近等競進。又敗

走。小幡上總信真。松榮紀事作信真。今從信長譜。武田信豐。甘利三郎。四郎

等相繼欲破柵。大久保忠世。忠佐。石川數正。内藤信成等。令

銃手曰。敵鋒甚銳。宜阻溝。暫待其近而齊發。敵兵三百餘。應

銃聲而斃。餘衆魄褫而敗走。先是忠世。忠佐。馳逐周旋。健鬪

八九次。信長遙望其背。旗曰。彼何人哉。馳騁倏忽。縱橫自在。

其督衆如臂使指。屈伸在手。其應敵如膏傅瘡。連綴不離。遣

人問之。神祖報曰。是我譜第之士。大久保兄弟。忠世。忠佐也。

信長歎神祖之能。得人曰。吾不如也。佐久間信盛。兵五千。一本

作六千餘。瀧川一益。兵三千。各出而陣于柵外。神祖遣使扼之。信

盛一益不聽。神祖馳馬告其不利于信長。信長然之。遣使二

人之陣。使之退陣于柵内。使未至。馬場氏勝見左軍敗。急進

擊信盛之兵。信盛不能支。退入柵内。死者四十三人。氏勝奪

信盛初所布陣之岡阜。整隊豎旗。以休士馬。○諸書或曰。佐久間信盛為山

縣。昌景被破。又云。昌景橫擊破他陣。皆非也。昌景始終在正

樂寺前。竹廣與神祖麾下之士力戰而死。與信盛之陣相去

甚遠。其誤明矣。今從一本德川記抄。尾州銃手一千。齊放鳥銃。瀧川一益。兵三

千。出擊敵兵。甲軍内藤。昌豐。勝兵一千。急馳突之。一益亦退

入柵內。木下秀吉丹羽長秀指揮銃手。千銃齊發。真田信綱。其弟昌輝。土屋昌次。合兵五千。攻第三柵。諸將胥議。敵甚剽悍。尾州銃手宜齊放銃。我兵大喊。長槍短刀。急進擊之。約既定。信綱昌次麾眾急進。前軍膽氣益壯。三千鳥銃。一時齊發。信綱昌次不顧死傷。馳馬衝突。前田利家。塙九郎左衛門。福富平左衛門。野野村幸政。引入柵內。激勵銃手。雷震雨注。甲軍死者如麻。我軍前鋒大呼奮擊。本多忠勝。平巖親吉。鳥居元忠。大須賀康高。石川數正。榊原康政。松平忠正。諸書無忠正。今據櫻井松平系圖補之。踴躍陷陣。縱橫馳突。甲軍大敗。初昌次欲殉。信玄之死。高阪虎綱諫止之。至是自呼姓名戰死。信綱昌輝與從

兵。拔柵木競進。重創而死。渡邊政綱獲信綱首。我軍夾擊敵

兵五千殲之。馬場氏勝未被一創。猶欲決戰。○甲陽軍鑑曰。馬場美濃自少壯。歷大小數十戰。至死未嘗被創。按大久保家譜。治右衛門忠佐。自少年大小數十戰。雖鋒刃屢中。金革而身未嘗被一創。世人多稱氏勝。而不知。招勝賴麾下兵。原胤長。小山田信忠。佐亦如此。故附于此。

茂等兵數千來前。佐佐成政告信長曰。勝賴之陣。旌旗動搖。敗走之機既見。請以一軍益前鋒。信長使湯淺甚助直宗命

瀧川一益曰。甚助名據雜錄。湯淺甚助傳。○本書曰。直宗幼而孤。信長公使中島主水正。以女妻之。視之如子。勝賴將潰走。宜急勦之。直宗進戰斬敵。雜錄甚助傳。使保侶士

命諸軍。○保侶俗用。母衣或幌字。今據三代實錄清和紀。鼓譟佐軍勢。數萬軍士大

喊聲震山谷。我軍亦競進爭擊。○松榮紀事曰。長阪釣間策馬先遁。跡部勝資亦走馬場

氏勝厲聲大詬曰長阪跡部汝勸戰者也胡為逃去我諫止戰者也今死于此鈞間勝資為不聞而逸去按勝資繼于山縣昌景向竹廣而戰敗氏勝向大宮前鈞間在勝賴麾下若先遁則何得過氏勝之陣前乎若當氏勝引兵退時而逸去則又非先遁者蓋好事者惡鈞間勝資之為人而傳會此說皆非事實故不取馬場氏勝遣使告勝賴曰事不可為請收軍速去我軍急逼勝賴麾下親兵三百血戰殆盡勝賴敗走二十餘町氏勝殘兵八十餘騎且戰且却及勝賴旌旗不見自猿橋急還氏勝登丘壠大呼曰我馬場美濃守也盍殺我以成名終不抽刃而授首年六十二塙九郎左衛門之兵河井三十郎獲之內藤昌豐亦見勝賴退去既遠還戰而死北條氏政之兵朝比奈泰勝泰勝初事今川氏後事北條氏適使軍中與戰獲其首是日合戰自卯至未甲軍大敗勝

賴嗔目切齒不知所為沸鬱而去唯初鹿傳右衛門勝賴減後仕麾

下為土屋昌恒二人騎從勝賴馬頓不得進笠井肥後授己

馬而乘疲馬還鬪而死人皆稱其忠德川記甲陽軍鑑年譜附尾並曰勝賴敗走

謂傳右衛門總藏曰典廐所被紂地金泥保侶先考賜我遺命授之典廐銘四郎勝賴今棄之為敵所獲吾恥也傳右衛

門馳還告信豐對曰使我兵青木尾張齎之棄串纏保侶于頸今授汝傳右衛門取之進于勝賴勝賴揮腰間而去傳右

衛門往來間追兵頻至勝賴駐馬待之人稱其勇時夏月暑劇勝賴脫兜鍪傳右衛門持之所謂諏訪法性之冑武田家

之重器也傳右衛門疲頓不勝其重稟勝賴棄之清田畷小山田彌助從後來取之而還德川記又云笠井肥後小山田

太郎十二世之敗兵走至橋邊地名我軍急逼擊之陷壑溺水

死者無算二萬之衆免而歸者不過三千山縣昌景馬場氏勝橫田備中內藤昌豐土屋昌次真田信綱昌輝橫田十郎

兵衛康量。甘利藤藏。原胤長。安中左近。望月甚八郎。根津神

平。城伊庵。小幡又兵衛昌盛。山城守興津十郎兵衛等。○據

系圖。高力權左衛門。正長。斬十郎兵衛。其餘知名之士悉戰死。年譜。創業記。信

長記。甲陽軍鑑。家忠日記。松榮紀事。○大草松平系圖曰。松

平康安先登得級上之。少焉山田平一即亦上級。康安謂之

曰。汝何不似平生大言而獻首之遲耶。平一即伴答曰。吾先

已獻首。此第二級也。康安叱曰。吾豈劣於汝耶。言未畢。又馳

入敵陣。獲甲首上之。神祖壯之。既而平一即我軍得勝。賴世

耳語曰。吾實獲一級。前言戲之耳。附以備攷。所傳背旗。甲軍恥之。乃揭新製之副曰。此舊物也。故棄之。梶

金平笑曰。馬場山縣等。甲州老將也。亦為舊物棄之乎。甲軍

不能對。敵兵二人。翳大松樹陰。覘神祖。神祖使本多忠勝之

兵多門傳十郎蜂須賀彥助擊之。殺其一人。彥助戰死。傳十

郎被傷。本多家譜。初松平伊忠趣為巢山。呼其子家忠曰。我必先

登力戰而死。汝全性命事我君。勿墜家聲。乃分士卒附家忠。因拔所佩箭室鹿毛擬殺。酌酒永訣。家忠固請與父同死。伊

忠怒曰。父子共死。則國恩未酬。而繼嗣亦絕。不孝不忠孰大

焉。家忠不得已。揮淚而去。家忠日記。鸞峰文集。酒井忠次率

諸軍。遲明襲為巢山。城將武田信實開門出鬪。我兵力戰破

之。伊忠逐北。過巖城渡。轉鬪而前。敵兵從後圍之。伊忠奮戰

死之。家忠日記。本光寺碑。松榮紀事。鈴木重政好策。馬陷陣。獲級而還。時年

十八。神祖壯之。鈴木重政好策。馬陷陣。獲級而還。時年

火敵不能入門。隔河水而陣。長篠城兵競出夾擊。敵又大敗。

武田信實。三枝守友。和田兵部。名和無理之助。五味與三兵

衛。飯尾彌四右衛門。高阪源五郎。松榮紀事曰。源五郎與小

宮記。甲陽軍鑑。皆戰死。小山田昌行。室賀一葉軒等。聞勝賴敗。燒營

遁去。是役也。信長神祖兩軍。獲首一萬餘級。甲州驍將銃兵。

戰死殆盡。本多家譜曰。以軍令故。不算首級。今從年譜創業

長瘞所獲首。築塚號信玄塚。自信忠入長篠城。獎奧平信昌

拒守之功。初貞能父子歸款濱松。勝賴怒磔信昌之妻。故信

長遣西尾小左衛門吉次。後為隱褒信昌之勇敢。使神祖以

其長女妻之。○年譜及松榮紀事正文。係天正元年九月貞

載一說為三年五月長篠大捷時事。今從之。女生數子。信昌卒為尼。號威德院。神祖賞信昌之功。加

給長篠段嶺吉良田原及遠州數邑。又賜大般若長光刀。此○

刀所出。住于元龜元。年姊川之戰下。召信昌之族七人重臣五人。褒獎其功。信

長賞酒井忠次為巢山之功。賜眉尖刀。○家忠日記。松榮紀事。

神祖臨忠次策忠獻之神祖。按松榮紀事一說。八月忠次

與奧平信昌抵岐阜。信長賞忠次之功。賜眉尖刀。革袴於忠

次。蓋此時事而非二事也。謂神祖曰。長篠大捷。勝賴爪牙之士。死亡略盡。

乘此聲勢。長驅而進。則取甲信二州。在掌握中。然兵頗疲弊。

不如休息士馬。我出濃州巖村。以擊秋山伯耆。卿發遠參二

州兵。經略甲信。神祖許諾。信長收兵還岐阜。松榮紀事曰。神

勢取甲州。信長曰。兵頗疲弊。云今從家忠日記年譜附尾。神祖往岐阜。謝信長之援助。

信長厚遇之。年譜創業記召從士。各賜物。問曰。長篠勇銳長

鬣者。胡為不見。大久保忠佐對曰。家兄忠世有故不來。信長曰。汝兄弟長篠之功。卓爾超群。手取衣服賜之。乃謂神祖曰。勝賴喪膽。不能復出甲州。卿宜攻取駿州。若兵力不足。吾又差兵援之。神祖悅而歸濱松。松榮紀事六月。神祖攻二股城。築砦於毘沙門堂鳥羽山和田島。蜷原逼之。守將依田下野。○甲陽軍鑑依田下野。或書蘆田下野。據雜錄。依田肥前。信守筆記。依田其氏。蘆田以地名稱之也。出兵城外。隔小川而拒戰。城兵朝比奈彌兵衛先衆而進。斬我兵松平彦九郎。彦九郎妹夫內藤家長。射殺彌兵衛。其弟彌藏欲收兄首。家長又射殺之。城兵競出欲擊家長。我軍擊破之。城兵縱火郭外。退入城。有被創者後于衆。櫻井勝次追及城門。斬其首。

而還。背旗絰城門。勝次不之覺也。僕告之。勝次馳馬取之。而還。神祖在鳥羽山。親見之。賞其勇。賜遠州三邑。翌日依田下野送家長所射矢於石川家。成之營。美其射藝。神祖褒家長。賜胴服。松榮紀事正文。以此事係九月十五日小山之戰。載一說為此時。東家忠日記。德川記年譜附尾與一說合。今從之。既而召俳優。作申樂以娛將士。二股城固守不下。使大久保忠世守蜷原。砦以逼之。神祖至懸川。攻高明城。武田勝賴使朝比奈又太郎及天野景貫之兵守之。路甚險隘。本多忠勝。神原康政進攻二王門。破之。神祖移軍橫川。登鏡山。繞出敵後。攻入城中。又太郎不能拒。乞降奔甲州。年譜。創業記。家忠日記。松榮紀事。七月十一日。福金城主松平右京亮親次卒。子左馬助

親俊嗣。福釜松平系圖、親次右京亮親威子、初稱三郎二郎、系圖曰、五月長篠之戰、親次病不能軍、故遣部兵從

役、神祖攻諏訪原城、守將室賀小泉堅拒之。家忠日記、松榮

蓋室賀一葉軒、鳥居元忠諳其他形、先衆進鬪、城兵放鳥銃、小泉源二郎也。

中元忠之股、從兵杉浦藤八郎掖之而退。元忠創愈為跛。家忠

日記、松榮紀事、本多忠勝力戰有功、本多家譜係八月十日、今從上二書、我軍起土

山、構棚樓、放銃矢圍之三旬。室賀小泉力屈不能守。八月二

十四日夜潛出城、逃入小山城。酒井正親挺衆有戰功。神祖

賞之賜白旗。正親傳子孫以為榮。神祖謂諸將曰。諏訪原甲

軍所來往于高天神之要路也。且與田中城僅隔大井河耳。

意必敵自田中來侵。勝賴亦伺隙來攻。誰能為我守此城者。

衆未對。松井忠次請進守之。神祖獎其忠勇。賜諱字。更名康

親。稱周防守。加給樽木河尻二邑。改諏訪原城曰牧野城。家

忠日記、松榮紀事、竝注云、言勝賴暴虐、如殷紂王、取周武王克之、牧野之義也、使牧野康成與康親

成之。其後加親將一人。遞番戍之。年譜、創業記、家忠日記、松

是年至十年三月、康親在牧野城、凡八年、是月、神祖以酒井忠次與平信昌為使、

抵岐阜。織田信長褒信昌之驍勇曰。自今宜呼九八郎曰武

者之助。因賜一文字刀及暑衣。神祖拔高明諏訪原二城。乘

勢欲攻小山城。酒井忠次諫曰。我既得二城。自餘諸城。神悸

氣奪。當相踵來降。今我暴師日久。衆頗疲弊。不如收兵以圖

後舉。勝賴景雄過于信玄。攻小山城。則必來救。此非全勝之

道。松平康親曰。長篠之敗。甲州精銳殆殲。勝賴不能出救。小山城既陷。則高天神城兵。可不待攻而潰散矣。神祖然之。忠次不能苦諫。遂攻小山城。駿州舊將三浦朝比奈。小原等拒戰。○松榮紀事曰。駿州舊將五人守城。德川記年譜附尾書此三人而名關。石川數正。松平康親為前鋒。松平康安先登奮鬪。本多忠勝指揮衆兵。松平主殿助家忠力戰獲級。武田勝賴聞我軍攻遠江諸城。欲出兵救之。搜訪戰死長篠將士之親族。不擇僧俗。使冒其姓氏。以綏撫衆心。得兵二萬。九月十五日。出駿河。屯大井河上。神祖聞之曰。前有堅城。後有勍敵。避其來銳。俟釁而動。軍之善謀也。乃議退軍之道路。內藤信成曰。過山而徑去。富永孫大夫曰。

循山而退。則似畏敵。不如沿河向敵而去。神祖從之。石川數正。松平清宗等為先鋒。世子繼之。神原康政。本多忠勝等從焉。中軍則神祖麾下。水野忠重。鳥居元忠等從焉。本多重次。松平甚太郎。家忠等為後拒。小山城兵出躡我軍。酒井忠次。戶田一西。大津土左衛門。屢還鬪。○德川記曰。忠次一西土左衛門為殿。今從松榮紀事。服部二郎右衛門與敵接戰。幾危。家忠馳救之。下馬斬敵獲級。扶二郎右衛門而還。人稱其勇壯。○松榮紀事載一說。川織田信長求之家忠。即獻之。踉蹌不可近。信長還之。家忠至是能認其主。自馳來。屈膝使家忠乘之而還。十七日。甲軍挑戰。隔水飛銃矢。高力正長。日下部五郎八。還鬪獲首級。勝賴先鋒。渡水而陣。我軍至伊良崎岡。欲沿河而左。勝

賴軍在其後。世子啓神祖曰。自小山至此。前敵而去。故兒在前軍。今左軍而北向。則敵在我後。願兒爲殿。神祖曰。汝尚年少。可先去也。世子固請。神祖許之。勝賴欲待我軍下岡決戰。神祖整軍在前。世子嚴隊在後。甲州新募之兵。憚其嚴整。不能出躡。勝賴欲勵衆進鬪。高坂虎綱諫止之。神祖入牧野城。進而陣于馬伏塚。十八日。勝賴入小山城。引兵還甲州。神祖凱旋濱松。年譜創業記家忠先是二股守將依田下野病死。其子右衛門信蕃。馭衆固守。大久保忠世在蜷原砦。請乘喪伐之。神祖使忠世及榊原康政攻之。○松榮紀事一說。諸士兵來援。松平二郎右衛門重吉年七十八。猛勵有戰功。人稱其勇。重吉謂松平石見守康安曰。吾齡既垂八旬。豈欲與壯

者爭功哉。尾州援兵欲先衆而進。不可使他邦之兵爲先登。故力戰先衆。按二股城非初敵。諸書無乞援信長事。附以備致。是月。織田信忠將兵攻濃州巖村城。守將秋山晴近。座光寺勘右衛門。固守拒之。諸書無座光寺稱。今據德川歷代。武田勝賴出屯伊奈。欲救之。自甲軍敗于長篠。畏縮不敢進。巖村城糧盡力屈。乞降。信忠擒晴近及勘右衛門。送于岐阜。信長磔晴近以報勝賴。磔奧平信昌妻之怨。巖村城主遠山内匠助妻。信長之從母也。元龜三年十二月。諸書無年月。今據年譜附尾。内匠助死而無子。寡婦養信長季子坊麻呂爲子。嗣其家。晴近逼寡婦而爲妻。遣坊麻呂於甲州爲質。坊麻呂長而稱源三郎勝長。爲尾州犬山城主。家忠日記。德川記。甲陽軍鑑。年譜附尾。松榮紀事。巖村作遠山曰。遠山城主巖村某。唯織田本信長記作巖村城。而無城主名。按德川歷代。織田

信秀妹稱小林殿初適巖村城主遠山内匠助元龜三年內匠助死再醮秋山晴近今據此訂之信長怒之

手及從母家忠日記甲陽軍鑑十一月信長入京師為權大

納言兼右近衛大將信忠為秋田城介織田本信長記信長譜家忠日記松榮紀

事二股城被圍日久依田信蕃告急甲州勝賴不能救命信

蕃棄城歸甲州信蕃以弟善九郎源八郎為質就大久保忠

世請避去神祖亦賜質信蕃聽之十二月二十三日忠世信

蕃會於二股川上互還其質信蕃入高天神城○松榮紀事正文曰信蕃

還甲州一說與家忠日記合今從之神祖賜二股城於忠世使阿部忠政副忠

世戍之年譜創業記家忠日記松榮紀事初巖村城糧食匱乏饑困日甚就

川屋城主水野信元以寶貨乞糶信元送其直佐久間信盛

與信元積不相善故讒之於信長曰信元密運糧於巖村城

信長大怒遣使川屋廉問其實信元驚遣家臣一人副信長

之使以訟其寃兩使在道酤酒鬪死信元懼而來岡崎信長

益信讒使神祖速殺信元神祖不忍殺之使居大樹寺信長

怒不解固欲殺之二十七日神祖使信元去岡崎命平巖親

吉殺之於中路家忠日記年譜附尾並曰兩使鬪死信長大怒與神祖議殺信元二十七日神祖使久松

佐渡守俊勝迎信元至岡崎俊勝不知其狀迎至岡崎神祖

使平巖親吉殺信元於岡崎城下相應寺俊勝怒之遂與神

祖絕今從年譜正文松榮紀事信長賜川屋城於讒臣佐久間信盛織田本

家忠日記是歲神祖使安部元真與其子信勝攻武田勝賴所築

伯耆塚砦拔之又拔八荒山砦入戍之諸士傳略伯耆塚砦在駿遠二州間

四年丙子。武田勝賴聞我軍克二股城。招集甲斐信濃上野之兵。欲侵遠州。上杉謙信治兵沼田。欲略西上野。勝賴聞之。不得南出。先是謙信與神祖通好。二月七日。謙信遺書酒井忠次曰。勝賴發信濃上野之兵。援二股城。吾欲牽之。出屯沼田。須今月十六日。縱火西上野。自濱松出兵。不失其機。則必有利矣。神祖築城於橫須賀。使大須賀康高據之。寬正重助守。以備高天神城兵。年譜創業記家忠日記松榮紀事是月。織田信長從自岐阜。居江州安土城。使信忠居岐阜。織田本信長記信長譜三月。神祖欲納今川氏真於駿河。賜書松平甚太郎家忠。松平康親在牧野城。掌駿州政令。擁護氏真。家忠日記松榮紀事六月六日。酒井雅

樂助正親疾革。神祖臨其第。手賜藥。問所欲。正親感泣。指二子與四郎與七郎曰。與四郎重忠後為河內守與七郎忠利為備後守臣無他慮。願二子賴君寵靈而成立。履忠伏羲。以不墜家聲也。神祖諾。使平巖親吉監醫藥。數遣近臣問疾。至是卒。家忠日記松榮紀事酒井系圖七月。神祖出兵於乾。攻樽山寨。拔之。使安部元真戍之。諸士傳略進攻勝阪城。天野景貫據潮見。阪之險拒之。我軍不利。大原大介大濱平左衛門等戰死。大久保忠世。忠佐。水野忠重。石川數正。鳥居元忠。平巖親吉。榊原康政。本多廣孝。松平忠次等。苦戰却敵。神祖使大久保忠世登石嶺。攻之。忠世放大銃。景貫不能禦。退保鹿鼻城。地勢窄狹。神祖慮損士卒。收兵還濱

松。松榮紀事以潮見阪以下之戰為七年九月氏政勝賴對陣黃瀨河時事今從年譜創業記三河物語家忠日記德

川是月武田勝賴出軍遠州欲納糧於高天神城神祖聞之

出屯橫須賀使松平康親伏兵於瀧阪鹽買阪之險以邀之

勝賴懼不能由鹽買阪自勝阪沿海至高天神城唯真田安

房守昌幸彈正幸隆第三子初稱武藤喜兵衛長篠之戰二兄信綱昌輝皆死復舊姓嗣信綱家將兵

一千直過鹽買阪世子自岡崎馳至橫須賀以待敵至勝賴

不戰而退我軍移陣于芝原山縣昌景故部曲小菅五郎兵

衛與小笠原氏儀出逼橫須賀寬正重率步兵出城擊破之

甲陽軍鑑德川歷代松榮紀事神祖慮勝賴襲懸川使大久保忠世本多廣

孝備之勝賴去芝原可三里欲待我軍下山決戰神祖欲戰

內藤正成諫止之神祖引軍還勝賴入高天神城家忠日記以橫須賀

之戰勝賴對陣係六年十月今從年譜三河物語甲陽軍鑑德川記松榮紀事但紀事勝賴納糧以下皆為二月事蓋中

間脫月也年譜甲陽軍鑑德川記無月今從德川歷代是秋世子擢參州大濱鄉長長

田平右衛門重元子傳八郎直勝為近習家忠日記○傳八郎後冒永井氏任

右近大夫為下總古河城主十月九日神祖饗今川氏真於濱松城○按

記信長譜三年三月氏真出濱松入京師謁織田信長上干鳥香爐宗祇香爐信長聞氏真善蹴鞠招廷臣與氏真蹴鞠

蓋其後又還濱松也先是勝賴使駿州舊將岡部丹波守信州舊將相

木市兵衛上野將士數十人及孕石主水大河內傳左衛門

等一千餘人代高天神城兵而戍之以江馬右馬允橫田甚

五郎重量監之重量十郎兵衛康量子勝賴滅後仕庵下更稱甚右衛門領五千石為使番十一

月十一日。神祖發濱松至懸川。十二日。移軍于橫須賀。十五

日。還濱松。松榮紀事二十一日。平信長叙從三位。為內大臣。公卿補任

至田中城。二十六日。入高天神城。二十七日。我軍陣于見付

驛。是日甲軍去國安。退入駿州。我軍亦還。松榮紀事是歲武田勝

賴出屯遠州金谷峯城。神祖陣于小夜中山。其夜勝賴引兵

去。家忠日記

五年丁丑四月二十三日。神祖賞向阪光行往年數自高天

神城使于濱松之功。賜書給采邑。雜錄向阪牛之助事記七月二十日。

松平與一郎忠正卒無子。神祖以忠正弟與二郎忠吉為嗣。

以寡嫂妻之。家忠日記櫻井松平系圖○忠正妻神祖九月

十一日。武田勝賴使三浦右馬助○按今川氏真部將有三

訛為右攻樽山寨。守將安部元真與其子信勝悉力拒守。右

馬助敗走。神祖賜書元真褒之。松榮紀事是秋神祖出征遠

州山梨。穴山梅雪拒之。我軍擊破之。家忠日記十月二十日。

武田勝賴侵遠州。屯大井河上。神祖陣馬伏塚。世子至濱松。

勝賴按視小山高天神等城。不戰而退。二十一日。世子聞勝

賴引去。還岡崎。二十三日。神祖還濱松。年譜創業記家忠是

日。命修築濱松城。二十四日。大饗將士。家忠日記是月平信

長進叙從二位。轉右大臣。信忠叙從三位。為右近衛權中將。

公卿補任家忠日記 十一月。植村出羽守家政卒。家忠日記

信長譜、松榮紀事 從植村 十二月十日。信長獵參州吉良。神祖使參州將士饗

之。家忠日記作十二月三日、松榮紀事不日、今從織田本信長記 是日。神祖叙從四位下。二

十九日。為右近衛權少將。年譜創業記、公卿補任、家忠日記、松榮紀事

六年戊寅正月十六日。神祖至岡崎城。家忠日記 是月。平信長叙

正二位。公卿補任、家忠日記、信長譜、松榮紀事 二月三日。遠江參河大雪。積四

尺餘。十八日。修葺濱松城。三月七日。神祖欲攻田中城。率兵

陣懸川。八日。移營大井河上。九日。圍田中城。井伊直政年十

八。每戰必先衆。人稱其勇敢。前夜雞鳴。酒井與九郎。內藤義

教。甚五左衛門義教、說見永祿二年 熊谷小一郎。小栗忠政。潛緣壘壁。欲以

先登城。兵豫出而伏郭外。比四士至。伏發邀擊。四士健鬪却

之神。祖聞之怒。責其犯軍令。黜之。○家忠日記松榮紀事二書並云、九年高天神城陷

之後、赦四士之罪 松平甚太郎家忠。榊原康政。本多忠勝。松平主殿

助家忠等。爭先攻城。主殿助家忠進至濠上。測其淺深。還報

曰。水淺無防兵。可急攻之。先登拔柵。攻破外郭。將入子城。守

將一條信龍之兵。陣列城門橋上。以待之。久世廣宣。中根善

二郎。向阪宗十郎。揮槍接戰。松平主殿助家忠之兵。佐野次

助。行家彥十郎。健鬪獲級。戶田忠次之兵。黑田二郎。右衛門。

安形半兵衛。岸上勘三郎。福井源藏等。力戰。城兵決志必死。

拒之。我兵不克而退。九日。神祖入牧野城。十三日。觀兵小山。

年譜、創業記、家忠日記、松榮紀事。是日。上杉謙信卒。年四十九。謙信無子。養

北條氏康子三郎景虎為子。景虎氏康第七子。又養甥喜平次景勝

為子。景勝謙信妹夫長尾越前守政景子。養於謙信。冒上杉氏。領越後佐渡。至從三位權中納言。後徙封奥州會津。

世稱會津中納言。故二子爭國。日尋干戈。年譜、創業記、家忠日記、甲陽軍鑑。十八日。

神祖還濱松。年譜、家忠日記、松榮紀事。四月十七日。世子來濱松。謁神祖。

朔日還岡崎。年譜、家忠日記。八月七日。松平甚太郎家忠代西鄉家

員。助守牧野城。家忠日記。八日。橫須賀守將大須賀康高與甲軍

戰于高天神城下。國安河敗之。多獲首級。阪部廣勝有戰功。

家忠日記、松榮紀事。二十一日。神祖與世子帥兵至小山。二十二日。涉

大井河。使前軍步卒暴田中禾稼。城兵出拒之。平巖親吉之

兵接戰。後軍踵至。敵兵退入城。我軍進至遠目持舟。○三河物語遠

目作當部諸書持舟或作用宗望宗皆語音轉訛也。石川數正為殿。持舟城兵出而尾

之。數正還戰走之。家忠日記、松榮紀事。松平康安。酒井忠利。大久保忠

直。大田吉正。安藤治右衛門定次。太郎左衛門家重第四子。木工助基能弟。○松榮紀

事作正次。按正次定次子。此時尚幼。以其襲稱治右衛門。誤為正次。今訂之。石川八左衛門等有

斬獲之功。我軍還過田中城下。神祖謀曰。吾直引兵而還。則

彼必躡之。吾佯為攻城。則彼不暇守禦。安能出戰乎。乃逼城

而過。敵果嚴守備。不敢出。九月四日。神祖入牧野城。家忠日記、松榮

紀事。六日。還濱松城。參州諸將在牧野城。修築堞壁。家忠日記、十月

十九日。武田勝賴出屯駿州。二十七日。世子聞之。來濱松。晦。

勝賴渡大井河入遠州。夜半高天神城兵一人欲犯陳逸去。
 渥美勝吉擊殺之。頸繫勝賴密書。勝吉得之獻神祖。家忠日記。十
 一月二日。勝賴移營于小山相良。神祖與世子將兵八千餘
 騎屯馬伏塚。三日。移陣總社山。諸卒陣于山下。勝賴欲攻橫
 須賀城。憚神祖梗其道路。不敢進。年譜、創業記、家忠日記、松榮紀事。敵將
 小笠原氏儀小管五郎兵衛取海路至城下。覓正重出城拒
 之。勝賴分軍為十七隊。與神祖隔江而陣。泥濘不可涉。相對
 數日。世子夜潛渡江。覘勝賴之營。歸白神祖欲擊之。神祖不
 聽。教以據險之敵不可輕擊。勝賴欲戰。其臣固諫。故不戰而
 退。入高天神城。渥美勝吉柘植又十郎等尾擊獲首級。神祖

褒勝吉之功。賜革胴服。二十五日。勝賴引兵還甲州。晦。神祖

還濱松。世子還岡崎。家忠日記、松榮紀事

松井甲太郎書

烈祖成績卷之四終

刻者列名

木挽町三丁目五番地

五氏括

竹口茂兵衛 一枚

同

竹口茂兵衛在留弟子
五氏括

竹口銀藏 一枚

深川松村町十四番地

同括

白井安吉 一枚

本郷元町二丁目四番地

竹口金次郎在留弟子
五氏括

竹口亥之助 一枚

神田小柳町十三番地

木邨嘉平 七枚

麴町十三丁目十番地

龍澤箬吉 四枚

赤坂新町二丁目十三番地

龍澤箬吉括

龍澤重太郎 一枚

四ツ谷忍町二丁目四番地

同

龍澤礪七 一枚

神田鍛冶町四番地

江川八左衛門 二枚

竹口瀧三郎刺

神田鍛冶町四番地

江川八左衛門在留弟子

江川鑛次郎 一枚

同

同 習中弟子

江川鎗太郎 一枚

神田旅籠町丁目三三番地

竹口瀧三郎 三枚

吳服町十一番地

宮田六左衛門 四枚

濱町二丁目一番地

五氏 括

松島政吉 一枚

137
10
125

